

**Symbolica Dianaë Ephesiae statua ... exposita / [Claude-François Menestrier].**

**Contributors**

Menestrier, Claude-François, 1631-1705.

**Publication/Creation**

Rome : Mascardi, 1657.

**Persistent URL**

<https://wellcomecollection.org/works/rj7sp5g2>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>












36401/8


NEESTRIE, C.F.


W.M.Buckanan


12 E 2685


E.E.














SYMBOLICA  
DIANAE EPHESIAE

Statua  
A CLAVDIO MENETREIO  
CEIMELIOTHECÆ BARBERINÆ  
P R A E F E C T O  
EXPOSITA.



ROMAE , Typis Mascardi , MDCLVII.

---

*SUPERIORVM PERMISSV.*

SYMBOLICA  
DIANE EPHESIAE

Scaging

A CLAVADIO MENTREIO  
2685

CLEMENTINE DURRERINAE

PERFECTO

EXPOSITA



SPERIOPAM PERMISSA.

EMINENT.<sup>MO</sup> ET REVER.<sup>MO</sup>  
PRINCIPI  
FRANCISCO  
BARBERINO CARD.

FEDERICVS VBALDINVS.



ON vereor , Domine ,  
vt hilari vultu excipiat-  
tur a te quem tibi offre-  
ro libellum : tuus enim  
est iure patrocinij ; nam  
Cl. Menetreius eum re-  
liquit posthumum ingenij sui partum .  
Qua ergo pietate auctorem olim foue-  
bas , & hunc fouebis certo scio ; cum  
Claudium ipsum , quem tu plurimum  
amabas , ab obliuione in hominum me-  
moriā sis euocaturus . Etenim si præ-  
clare consultum est , vt eius qui sacrile-

ga

ga gloriæ cupidine actus Dianæ Ephesiæ templum incendit, nomen aboletur: merito illius per vniuersum terrarum orbem celebrabitur industria, qui pio aduersus omnem antiquitatem studio eandem Dianam instaurare contendit.

BARBERINO CARD.

EADÆRICUS VADIANUS

ON AETEOR. EDITION  
AV PISIUS AVPIA EXCIPIS.  
et ducim tipi offe-  
num: tunc enim  
e patricij; ut  
tusculciis enim ex-  
hilarat pulchritudinem hunc illi bastum.  
Qas cito bicrura antea omnia lege-  
ps, & hinc longe pectus celto ficio; cert  
cibusq; inq; uero in pulchritudine  
susps, & opere in pectus m-  
dulatim & teneatim. Et enim pecto-  
cibus corporis inq; ac q; dicitur. B.



# SYMBOLICA DIANAE EPHESIAE STATVA EXPOSITA.



Egyptiorum genti antiquissimæ, externæque eruditionis contemptrici moris fuit, ut quæ in superiori inferioriq; recondita erant natura, ea solis Sacerdotibus primæque notæ viris reuelaret. Indignum scilicet existimabat ea profanis & imperitis hominibus communicari, ne in vulgus edita arcanorum religiosa maiestas euilesceret. Ipsi itaque Hierophantæ, rerum naturam hieroglyphicis notis adumbrabant, ipsarumque adeò rerum effigies pro dijs consecrabant: & Mercurio quidem Hermas, Soli litteratos Obeliscos, Naturæ principis & mundum administrantis imagines, offerebant. Eius disciplinæ sectatorem fuisse conijcio primum Ephesinæ Dianæ vel inuentorem, vel sculptorem. certè tot illi adaptauit Symbola, vt arcanum & grande aliquid sub ijs intelligi voluerit. Ego in illis communis rerum parentis, & conseruaticis Naturæ

A


typum:

typum agnouerim . quod & omnis Symbolorum series ostendit , & mellifluæ potissimum Apes indicant : quas benigno salutarique eius numini frequenter adscripsit antiquitas . Verum ut commodius hæc a me Sparta illustretur , quatuor Ephesini simulacri apographa proponam quæ Romæ visuntur . Priora quidem duo , expressa sunt ex marmoreis signis longe elegantissimis ; quæ in celebri reconditæ vetustatis penu extant apud Eminentissimos Franciscum & Antonium Cardinales Barberinos , principes non minus huiusmodi elegantiarum amore & studiorum patrocinio , quam sanguine & dignitate coniunctos . Tertium in ædibus Scipionis Lanceloti , Lauri Marchionis : vltimum apud Vincen- tium Iustinianum Bassani Marchionem asseruatur .

Portentosum planè atque ab omni veterum deorum cultu , & ornatu alienum hoc simulacrum videtur . Sed qui penitus omnia eius symbola examinauerit , varia sub ijs mysteria reconditæ illius priscorum Ægyptiorum sapientiæ latere deprehendet . quin etiam sub istis diuersorum animantium figuris quibus Diana decoratur , aliqua Pythagoreorum placita & dogmata contineri animaduertet : qui Lunam circumquaque ad instar terræ quam nos incolimus , grandioribus habitari animalibus , & pulchrioribus consitam plantis arbitrati sunt . Et hanc quidem ipsorum doctrinam , haud temere referamus ad varia hæc symbola , quibus Diana nostra ( quæ ipsissima Luna est ) exornatur : cuius totum fermè corpus non modò diuersis animalium , verùm etiam fructuum generibus vestitum conspicimus .



*apud Card. Barberinum.*



4



*apud Card. Ant. Barberinum*





*Apud Marchionem Lancelotum*





*Apud March. Vinc. Justinianum*



## DIANÆ EPHESIÆ VARIA NOMINA.

**C**ommuni & recepto indigitamento hæc Symbolica figura APTEMIC ΕΦΕCΙΩΝ, id est, DIANA EPHESIORVM dicebatur, quamuis sub hac effigie apud remotissimas etiam gentes coleretur. Certè Pausanias inter alios auctor est, varijs in locis Dianam Ephesiam summo in honore fuisse habitam. Nonnullis tamen alijs etiam titulis fuisse insignitam ex veterum monumentis obseruabis. Ac in primis Opin. denominatam apud Macrobius Saturn. lib. 5. cap. 22. reperies. Is etenim ex Alexandro Ætolo refert, Ephesios dedicato augustissimo templo Dianæ celebrioribus Musarum alumnis præmia amplissima constituisse, vt in Deæ laudem carmina diuersa componerent. in hisce peculiari encomio à quodam vate Opin dictam fuisse Dianam commemorat hoc versu:

Τοῦντας τεχέων οὐτοις βλητῆρας οἴσσων.

*Vt celebrem iaculis ornarent laudibus Opin.*

Verum enim verò præ cæteris præconijs quibus decrabatur, acceptus illi fuit ac peculiaris Magnæ Dianæ titulus: cuius rei præter profanos auctores testem etiam locupletissimum habemus S. Lucam in act. Apostol. cap. 19. qui Dianam Magnam à Demetrio quodam seditioso ciue cognominatam pronunciat. eo fortassis quod Ephesij Dianæ numen potentia cæteris Dijs antecellere crederent: vel fortè ob celebritatem augustissimi ipsius templi; aut quia inter Magnos Deos (vt scriptores vetusti referunt) numerabatur. Hoc ipsum diuinus ille Plato de Diana etiam (vt reliquos taceam qui veterum deorum Theogonias contexuerunt) calculo suo confirmauit, dum Solem & Lunam Magnos deos nuncupauit. Diana demum hæc nostra appositè à Diuo

Hie-

Hieronymo in Epist. Paul. ad Ephesios Polymamma denominatur, quem audire, si lubet, licet; venuste statuam nostram hoc modo depingentem: *Dianam Multimammiam colebant Ephesij, non hanc venatricem, quæ arcum tenet, atquæ succincta est, sed illam Multimammiam, quam Græci τολύμασον vocant, ut scilicet ex ipsa quoque effigie mentinentur, omnium eam bestiarum & viuentium esse nutricem.*

A Minucio item Felice in Octauio: *Multimammia etiam Diana Ephesia depingitur.* Obijcere autem posset aliquis Macrobij auctoritate fultus, Isidis potius hanc esse, quam Diana effigiem; apud quem hæc habentur: *Isis cuncta religione celebratur, quæ est vel terra, vel natura rerum subiacens Soli.* Hinc est, quod continuatis vberibus, corpus Deæ omne densetur: quia vel terre, vel rerum naturæ halitu nutritur uniuersitas. Et hanc Macrobij descriptionem firmare videntur gemmæ non paucæ aliaquæ veterum monumenta: in quibus Isis eadem forma quæ hic à Macrobio describitur, expressa est. Quo etiam schemate Canopum suum fingebant prisci illi Ægyptiorum mythologi, non apposita tamen mammarum multitudine. At nostra Diana ab Iside Ægyptia differt quidem forma aliquantulum, non autem numine, quia nullo profus discrimine inter se distant. Nam Diana Ephesia turritum coronamentum, & varia animantium emblemata expressa habet: Isidis vero Phariæ tempora, cingunt vulturis, aut accipitris exuuiæ, cum orbe patulo; reliquum autem corpus hieroglyphicis notis insignitum (vel vt cum Apuleio loquar) miris extrinsecus simulacris Ægyptiorum effigiatum conspiciebatur. cuius ectypion maioris notitiæ gratia ex annulari gemmæ desumptum hic subijcio.



Sed de Iside hoc adjiciam : nusquam ceruos eius obsequio à priscis illis Ægyptijs destinatos fuisse . Id ex omnibus Ægyptiorum monumentis obseruare liquet , in quibus ceruos appictos nusquam reperies . Præterea Aristoteles hist. animal. lib. 8. cap. 28. & Plinius lib. 8. cap. 33. memoriæ prodiderunt , Africam primis illis seculis ceruos non tulisse . atqui de more rituquè priscæ illius gentis nulla animalia exotica dijs patrijs consecabantur . Dianam verò hanc nostram ceruis tanquam indiuiduis comitibus semper circumstipatam videmus . Mystica tamen hæc simulacri emblemata nobis ansam coniisciendi abundè subministrare possunt Ephesios Ægyptiorum disciplinas , & instituta præ oculis habuisse , dum tam varijs symbolis Dianæ statuam adornarunt . Verum vt augustior patrij numinis maiestas redderetur , non solum quæ præcipua erant Isidis attributa , sed etiam Magnæ Matris , seu Cybeles Phrygiæ muralem coronam , Cereris Eleusinæ boues & fruges , Dianæ Siculæ ceruos , & rosas mutuati , nouum Naturæ numen sub Dianæ indigitamento composuerunt , vniico simulacro omnium prædictarum virtutes , & proprietates coniungentes . Non enim varij sacrorum ri-

B                   tus ,

tus, vel formæ deorum diuersæ apud priscos efficiebant, vt ipsa numina re different; quod multis rationibus Macrobius, Satur. lib.2. Phurnutus, alijque Mythologi euincere contendunt, qui omnes Deos ad unicum Solis numen reuocant. Apuleius quoque Isin, Deum Matrem, Mineruam, Iunonem, Dianam, Cерем, Venerem, Proserpinam, Hecaten vnam eandemq; esse prædicat: diuersis tamen nominibus celebratam, ac multiplici specie à varijs gentibus cultam. Quod & ex diuersis argumentis in nostro hoc Diana signo expressis ostendere conabimur. Sed antequam rem ipsam aggrediar: duo antiqua Ephesiorum numismata propono, in quibus eadem prorsus effigie Diana Ephesia expressa visitur.



In anteriori orbe primi nummi Traiani effigies, & huiusmodi est inscriptio: AYT. KAIC. TPAIAN. CEB. alter verò, quem tanquam succenturiatum testem adduxi; exhibit in antica parte, Marci Aurelij imaginem, cum his litteris: AYT. KAIC. M. AYP. ANTΩNEINOC. CEB. cuius delineandi potestatem mihi fecere Brutus & Franciscus Gotifredi fratres, vnanimes in conquirendis, & asseruandis veteribus monumentis. Nonnulla

nulla etiam alia numismata eadem specie ab Ephesijs conflata , ab Huberto Goltzio , Guillelmo du Choul , Fuluio Vrsino , Adolpho Occone , alijsque in lucem sunt edita . His breuiter de nominibus , de quæ Dianæ forma præmissis , nunc ex qua materia simulacra ista Ephesij effinxerint despiciamus .

### STATVÆ MATERIES.

**E**X duobus Ephesiorum nummis prolati sive titulisque adiectis , hanc nostram statuam genuinam antiquæ illius Ephesiæ Dianaæ speciem referre certissimè constat . Quanta verò arte & diligentia horum signorum opifices genuinam similitudinem ipsius Ephesini simulacri accurate exprimere allaborarint , præter varia symbola affabre cælata , diuersus etiam ille marmorum color , ex quo hæc Diana signa compacta sunt , nullo negotio demonstrat : cum ad illius imitationem uniuersum pectus ex marmore candido ; vultum autem , manusque & pedes insitios ex lapide Lydio nigerissimo eos composuisse & efformasse videamus . Peruetustum enim ac celebre illud simulacrum Dianaæ ex ebeno fuisse dolatum maxima veterum Scriptorum turba Plinio referente prodidit : idemque afferit Iornandes in rebus Geticis . Hoc autem non nouum inusitatumque fuisse priori ævo Pausanias in Arcadicis haud obscure ostendit : apud quem simulacrum Dianaæ Limnatidis ex ebeno fabrefactum reperitur . At Vitruvius lib. 2. c. 11. contra sentire videtur , dum templi Ephesini signum , nec non lacunaria ex cedro facta fuisse commemorat . Alij verò vitigineum fuisse prædicant : inter quos Mucianus Consul apud Plinium habetur , qui se illud proxime spectasse dicebat . Sed hoc morosioribus exami-

nandum relinquō. Ut vt sit, probabili coniectura asse-  
qui licet, Deæ membra prominentia vel ex nigra qua-  
dam materia composita, aut fusco aliquo colore obdu-  
cta fuisse, & coniecturam meam iuuant non pauca  
Dianæ Ephesiæ marmorea signa, quæ Romæ extant,  
cum facie, manibus, & pedibus ex lapide nigerrimo in-  
fertis. & hæc quidem opera eodem fermè schemate  
quo hæc nostra efficta.

Nunc vt ad incepta me referam, vetustissimos illos  
Dianæ mysteriorum interpretes, ex primogenio gen-  
tium instituto totū Deæ corpus ex ebeno potius quam  
alio quo quis ligno efformasse, non equidem temerè  
conijcio, cum hoc genus ligni præ cæteris alijs, naturæ  
Lunaris sideris maxime congruere videatur. Nam per  
atrum & suboscurum ebeni colorem noctis opacæ te-  
nebras (quod proprium est Lunæ, seu Dianæ tempus)  
conuenienter illi Mythologi designare potuerunt. Hæc  
etenim Græcis Νυκτίδεμος, Εὐνυχία, & Μῆλος; Latinis,  
noctiluca, noctiuaga, Dea noctium & noctiū sidus  
passim dicitur: Cumq; constet, (vt supra ex D. Hierony-  
mo referebamus,) Naturam rerum omnium parentem  
sub hoc simulacro ab Ephesijs fuisse cultam; sic & ip-  
sa nox apud vetustissimos Poëtas vt apud Orpheum  
(in noctis suffimento) rerum cunctarum parens habe-  
tur? quin chaos & tenebræ prima rerum exordia esse  
dicuntur. Non ineptè igitur ex huius disciplinæ fon-  
te, ebeni lignum electum fuit ab Ephesijs mystis ad no-  
cturnum Lunæ tempus designandum, & Symbolicum  
naturæ simulacrum fingendum: cum eius vestigia, cali-  
ginosa etiam sapientioribus semper fuerint, eiusq; vir-  
tus perspectu cognituque difficillima. Cereri autem,  
quam à Diana non abhorrere mox ostendam ) ater  
etiam color gratus, acceptusquè fuit; Vnde & initia  
eius

eius ex prisco Eleusiniorum ritu, nocturno tempore potissimum peragebantur; eiusq; Sacerdotibus sanctum erat, ne alia veste quam nigra vterentur. Et apud Phigalenses Ceres cognomento nigra peculiari studio colebatur, prout Pausan. in Arcad. obseruauit. Addatur insuper ebeni lignum putredini, corruptioniq; minimè obnoxium esse, vt Theophrastus in histor. Plant. & Plinius lib. 16. cap. 4. annotarunt. Propterea hæc arbor inter æternas numerabatur. Æternitas verò in nummis Faustinæ Iunioris, Lunam pro Symbolo sortita est. Quas ob causas proculdubio Luna, seu Natura, ebeni lignum tamquam proprium & peculiare exceptit.

Sed iam vetustissimæ illius Statuæ incunabula perscrutemur. Hanc non humana arte expolitam sed cælo diuinitus missam Ephesij tam aroganter quam falso prædicabant. Ad quod vetus quidam Poëta Græcus alludens, celebritatem templi Ephesini, famam simulacri Dianæ, ipsiusq; ciuitatis gloriam eleganti epigrammate celebrauit.

Tίς ποτ' ἀντ' οὐλύμπου μετάγαμε Παρθενεῶνα,

Τὸν πάρος ψευδίοις ἐμβεβιώτα δόμοις

Ἐς πόλιν Ανδρέηλου, Θοῶν βασίλισσαν Ιώνων

Ταῦ δορὶ, οὐ Μέσαις αἰσθάτας Εὔφεσον;

Ηρὰ σὺ φιλαρύει τίλυον Τύρε μέζον ὄλυμπος.

Ταῦ ζεφον τοῖσι θαυμοῖς τὸν ἔθελθελαμον.

*Quis tulit è cælo sublimen Partheneonem*

*Qui fuerat superis cognitus ante Deis?*

*Mœnia ubi Androcli, imperiumq; existit Ionum,*

*In claram Musis, militiaque Ephesum.*

*An quia grata magis cælo tibi terra sit altrix.*

*Percupis hic thalamum esse Diana tuum.*

*Sed missis fabulis, simulacrum illud potius ab Amazoni-*

zonibus positum dixerim : cùm Ephesini templi constructio ijsdem à Dionysio Periegete tribuatur.

Παρράλιος Εὔφεσον, μεγάλως πόλιν ιοχείησε,  
Εὐτα θεῇ ωτές την Αμαζονίδες τελέχοντες,  
Πρέμυρα ἐνι πελένες.

*Maritimam Ephesum magnam urbem Diana,  
Vbi Deæ ædem quondam Amazonides struxerunt  
In trunko stipite ulmi.*

Vero autem proprius sit, Amazones simulacrum Dianae voulisse, vt sacram ædem ei dedicarent. fauet Callimachus himn. in Dianam.

Σοὶ καὶ Αμαζονίδες πολέμες ἐπεθυμήτεσσι  
Ἐν πότε παρράλιῃ Εὔφεσος βρέτας ιδεύσαντο,  
Φηγῷ τῶν πρέμυρων.  
*Tibi etiam Amazones belli affectatrices  
Olim in littore Ephesi statuam posuerunt,  
Fagino sub trunko.*

Illud Mirum, eiusmodi simulacrum intactum illæsumque remansisse, nec fuisse mutatum ipso Deæ templo septies restituto, vt Plinius lib. 16. cap. 40. testatum reliquit. Porro eadem planè symmetria ac forma, qua reliquas Deorum imagines, primitus formatum fuisse hoc simulacrum crediderim. Sed deinde Ephesiorum hieromystæ gloriæ patrij numinis consulentes, vt varias Dianae seu Lunæ vires, effectusq; denotarent: aurea, argentea, aliaque ornamenta, pro tempore tamen, & ad libitum exemplilia excogitarunt: & diuersorum animantium toremata, & emblemata in ijs ex primi curarunt. Coniecturam nostram firmat candidus ille ornatus marmoreus, quo totum Deæ corpus obducitur quandoquidem in nonnullis alijs Dianaë Ephesiæ dissimilia à nostris symbola contineri obseruarim.

## CORONA FLOREA, ET TVRRITA

Dianæ vertex insignitur.

Dianæ caput duplex cingit corona: quæ apposita fronti, florida est, altera, muralis, utriusque minimè vulgaris ratio, sed ab Ægyptiorum sacris petita, quos neque radijs, neque lauru, neque olea, neque quercu patriarchum Deorum capita cinxisse liquet. Isidis certe capiti vulturis aut accipitris pennas, modo exuuias aspidis iam bouina cornua, & orbem apponebant. Osiridis vertici, calathus, seu modius pro corona erat. E fronte Harpocratis malum perficium cum folijs eminebat. Quæ hic attexenda duximus, ut Ephesios haud absimile institutum præ oculis habuisse indicaremus. Nam Dianæ vertex apud cæteras nationes sola falcatae Lunæ sectiuncula insignis conspiciebatur. Verum ut quod huius est loci exequar in eius Strophio Rosæ, Chrysanthemique cum corymbis sunt. decenter quidem cum iuxta Plinij mentem lib. 21. cap. 25. Lunæ globum rotundum imitantur, & ad Solis repercutsum aurei videantur. Ea propter Lil. Giraldus coronam ex heliocryso siue chrysanthemo Dianæ attribui à priscis scriptoribus memorat; nec absque ratione, quod hoc floris genus helichrysum, seu heliochrysum denominatum perhibeant ab Helichryse quadam Ephesia puella quæ prima è flore chrysanthemo Dianam coronauit. Quid si per rosas simul pactas, Ceres & Dianæ cognatum numen sagax Ephesiorum religio denotarit? numquid pariter rosas Dianæ veluti montium, & hortorum dominæ, florumq; procreatrici concedemus? Apuleius lib. 11. Metam. multifarias illi coronas adscribit. *Corona multiformis varijs floribus subli-*

*blimem distinxerat verticem.* Idemque paulo inferius, coronam rosaceam in pompa illa, & apparatu Deæ celebri à Sacerdotibus prægestari solitam pronuntiat. alibi autem nunc, albo candore lucida, nunc croceo flore lutea, nunc roseo rubore flammida, eadem ab illo corona describitur. Quid verò aliud hæc florum varietas in Dianæ corona? quam diuersos illos circulos qui circa Lunam apparent designare posset: Hos etenim constat coronas à probatis auctoribus vocari: fidemque nobis faciet Plinius lib. 2. cap... cuius verba placet adscribere existunt eadem corone circa Lunam, & circa nobiliora astra. Aristoteli & nonnullis alijs Græci sermonis antesignianis hi circuli ἀλῶνες dicuntur. Quam vocem interpres modo coronam, modo circulum vertunt. Seneca in princ. quæst. hunc (inquit) ἀλὼ nuncupant quem nos dicere coronam aptissime possumus. Rosaceam quin etiam coronam ad Cererem non inuitus trahā cuinam enim decentius quam Cereri coronam ex lectissimis floribus plexam Ephesiorum religio tribuere potuisset? cùm ex felici eius gremio flores ortum ducant. Evidem corona rosacea, & florida apud veteres hilaritatis erat indicium: huius autem Deæ festum summo cum Iusu, & gaudio antiquitus celebrabatur prout Phurnutus testatur. Non pauci item alij flores intertexti, inter quos & narcissus. Ceres etenim apud Sophoclem narcissum, præ alijs floribus exoptat, & Magnarum Dearum coronamentum esse perhibet, quas eius Scholia festas Cererem, & Proserpinam interpretatur. Item hiacynthus ex Pausaniæ auctoritate qui hiacynthinas corollas sacris Cereris adhibitæ fuisse prædicat in Chthonijs diebus festis. Cæterum omnibus palam est rosam esse florum reginam, ac huius symbolo potentiam, regnum, & imperium conuenienter designari: apposite igitur

Ce-

Cereri rosa competit cùm hæc sit Omnim regina ve  
festiuè notauit Euripides.

*Kai φίλα Δαιμόνης θεά, αἰωνύτων  
Ἄνασσα. απαντών δέ γὰρ θεός.  
Et amabilis Ceres Dea Omnim regina,  
Omnium vero terra altrix.*

Nemini autem mirum videri debet, si Ceres, seu Diana Ephesia quæ domina mundi habebatur, duplici corona donata, exornataq; fuerit. cùm peculiari quodam cultu Dianam Ephesiam coronis; non autem sanguinolentis victimis cultam fuisse proditum extet Etymol. in ψ., ἐφεσος. Ephesij enim σεφαροὶ ἐγέθειλλῶν Τεξιεσίας ποιήσιν. coronis per olea ramos supplicationes faciunt. Dictamno etiam hanc Deam veteres coronabant, quòd partum facilem præstaret vt Euphorion docuit. Sed longius fortassè prouectus sum quām oportuerit. ad muralem coronam iam deflectamus. Cur Dianæ turrita corona? cum peculiare potius coronamentum. Magnæ Matris, aut Cybeles, vel Deæ Syriæ apud vetustissimos scriptores habeatur. At si quis penitus Dearum prædictarum attributa, & cæremonias perpendere vnum idemq; numen facile deprehendet. Idipsum autem ex vetustissimorum scriptorum placitis ostendere aggrediar: & eò quidem lubentius, vt omnia symbola in Statua nostra expressa facilius eluescant. Rheam in primis à Cerere haud esse diuersam non est dubitandi locus, quam Latini Opim vt monuit Athenagoras in Orat. pro Christianis vocitant, quòd ipsius auxilio vita constet: vel vt Fulgentio placet, quod esurientibus opem ferat. Hanc poëtæ prisci Deum Matrem, & Magnam Matrem nominarunt: quod non homines modo, sed omnia è terra proueniant. Quare Porphyrius Rheam, & Cererem, pro Terra capi voluit. notus

C est Or-

est Orphei hymnus in Rheam, qui eam cunctorum matrem, & mundi medium tenere memorat. Cererem verò terram ab antiquis creditam, cùm multis rationibus, tūm ex ipsius nomine satis constat. Quid enim est aliud Græcis Δημήτρη, quam Γημήτρη. Ab ipsa alimenterum largitione Platoni in Cratylo Δημήτρη quasi Δηδώρα μητέρα vocatur, tanquam exhibens mater. Huc referas liquet, illa quæ Arnobius lib. 3. ex Gentilium fabulis exarata reliquit. *Terram quidam, (inquit) è vobis quod cunctis sufficiat animantibus vicuum. matrem dixerunt eße magnam, eandem hanc alijs quòd salutarium seminum frugem gerat, Cererem esse pronunciarunt.* Quibus statuam hanc nostram quodammodo depingere videtur. Hæc nempe ex mamillis pensilibus cunctis animantibus, quæ totum eius corpus ambiunt alimentum porrigere, & ante pectus immensam frugum, fructuumque copiam gerere conspicitur. Quocirca à gerendis frugibus Cicerio de nat. Deor. lib. 3. Cererem tanquam Gererem prima litera immutata dictam autumat. Ac veluti Ceres omnium bonorum largitrix, dispensatrixq; credebatur, quod munus etiam Rheæ competere à nonnullis traditum est. hanc ob causam illi vitigineum simulacrum tanquam cibi potusq; largitrici Dædala sacrauit antiquitas Euphorione teste. Cererem præterea à Cybele non esse alienam docent in primis harum cognati, germanique sacrorum ritus, Cereri, enim perinde ac Cybele tympana, & cymbala aderant, quorum sonitu Ceres in filiæ inquisitione primūm vsa est. Cybele porrò curru vehi, & rotis sustineri credebatur: quia mundus rotatur, & volubilis est, & hæc ipsa terra eò quòd pendeat in ære dicebatur ut Seruius docet. Ceres denique & Isis propter Sororiam frugum inuentionem, æquè ambabus attributam vnum idemque numen consti-  
tuunt.

tuunt. Triticum enim ab Iside primū cum hordeo  
hominibus commonstratum scribunt Diodorus lib. 1.  
& Martianus Capella. Et ideo in ipsius pompa triti-  
cum, & hordeum præferebant, vt ab ipsa repertas fru-  
ges testarentur. Herodoto Isis eadem est quæ Δημήτριος.  
cui Cedrenus lib. 2. adstipulatur: à quibus Diodorus  
paulò ante memoratus non abludit, dum Cererem cum  
Iside, quæ ipſissima est cum Luna coniungit. Vnde ex  
primogenio tām Ægyptiorum, quām Græcorum insti-  
tuto, æque ambabus boues ascripti fuerunt. Cæterū  
vt obscuritatis depulsetur offensa Martianus iterum Ca-  
pella nobis adeundus erit, quem de Lunari orbe verba  
facientem sic audiamus. in eo *Sistra Niliaca, Eleusinaque  
lampas, arcusq; Dictynæ, tympanaque Cybeles.* Ex quibus  
obseruare est, Isidis, Cereris, Diana, & Cybeles attri-  
buta Lunæ etiam adscribi. confer cum his Luciani  
Deam Syriam, & Apuleianam Iism, quæ minime di-  
uersa numina fuerunt. quamvis varijs nominibus cele-  
brarentur. Dianam demum in Luna cultam nemo ne-  
scit, nisi qui vetustissimos mythologos non legerit. He-  
cate porro Diana, Luna, & Proserpina à Festo, & Dio-  
doro Siculo pro vno eodemque numine accipiuntur.  
Exinde Diana triforis fingebar, in quam extat Hor-  
atij versus.

*Ter vocata audis, adimisq; letho diua triforis.*  
Concordem hanc germanitatem etiam adnotat Vir-  
gilius.

*Tergeminamq; Hecaten, tria virginis ora Diana.*  
Magna autem illa, quam nos hic cogitamus Ephesi-  
rum Diana, Naturæ seu vniuersi, & materiæ primæ vi-  
res, potestatemq; sibi vendicat: cuius insignia, & orna-  
menta si attente spectes id ipsum deprehendes. Quanta  
verò cognatio Diana Ephesiæ cum Iside intersit, vel

hinc colligere est, quod illa Diuo Hieronymo teste superius laudato apud Ephesios Naturæ typum referebat. Hæc verò apud Ægyptios nihil aliud quam ipsummet Naturæ numen loquebatur, prout Macrobius Satur. lib.7. cap.21. & Apuleius Metam. 6. Ægyptiorum monumentorum peritissimi enunciant. Possent hic sexcentæ auctoritates cogi ad firmandum immensam hanc Dearum turbam ad vnicum Lunæ, siue Dianæ numen à priscis mythologis fuisse redactam. Sed cùm res notior sit quam vt de ea prolixior sermo habeatur ad institutum redeamus. Et coronam hanc turritam quæ prius Magnæ Matris, Cybeles, aut Deæ Syriæ pecularis esse videbatur Dianæ etiam nostræ competere ostendamus. Ac huius quidem meminit Halicarnaseus dum canistrophorarum capita corollis ornari velut Dianæ Ephesiæ simulacra perhibet. Quam verò decenter Naturæ hæc muralis corona tribueretur, causa in promptu est. quoniam rerum humanarum regina. incolendarumque vrbi rationes edocuisse credebatur: corona quippe pro muris vrbi usurpatum. muri etenim tanquam vrbi coronæ sunt. hæc de corona satis superque dicta, iam ad velum explicandum Orationem conuertamus.

### VELO DIANÆ NOX INDICATVR.

**V**ELO, densas noctis opacæ tenebras quibus aér circumfunditur, adumbrari prærium est. Hunc autem Dianæ velandi ritum non apud Ephesios modo verum etiam apud Ægienses receptum fuisse à Pausania in Achaicis edocemur. *Habent Ægienses vetustum Lucinæ fanum: Deæ ligneum signum à vertice ad calcem velatum, præter os tamen, summas manus, & pedes.* Sunt verò quæ non

tanguntur partes ē marmore pentelico . Alteram manum porrigit , altera facem præfert . Atqui Lucina à Diana non est aliena: faces certe vtrique fuere communes . Et Diana ipsa seu mauis Luna lumine suo ac splendore tanquam face ardenti , opaca & caliginosa conspicua , lucidaque reddit . Huius quoque rei gratia quod noctu , & in tenebris luceat , & incedat . Noctiluca , & noctiuaga vocitata . Merito igitur velum , tanquam obscuritatis à se depulsæ indicium à tergo demissum finxerunt . Ex quo Theologiæ fonte Apuleius in illa luculenta , & accurata Lunæ siue Isidis descriptione pallam ei nigerrimam assignare non dubitauit . Velum præterea modestiæ , ac pudoris virginalis signum esse in confessu est . Vnde hoc etiam nomine Dianæ tribuendum .

## CERVORVM COMITATV DIANA Gaudet .

**C**eruos Dianæ obsequio ceu ministros , ( & vti sic dicam ) pedissequos semper fuisse addictos vulgatissimum est . Inde est quod peculiari elogio ἐλαφησολὸς à Græcis dicebatur . Inde etiam est quod inter animalia quæ signum Dianæ exornant bini cerui Deæ caput circumstant: idquè meritò cùm reliqua quadrupedum genera perniciitate superent , adeo ut illi Mythologi velocem Lunæ cursum innuere volentes Ceruos pro symbolo elegerint . Luna equidem tantæ celeritatis est , vt spatio viginti septem dierum horarumque octo totum permeat signiferum , quem Sol annuo tantum temporis curriculo perlustat . Quo minus mirum sit Dianam cerui effigie designatam . Evidem vetus extat Pub . Licinij Gallieni nummus . in quo cerua est cum hac epigraphæ

graphe DIANÆ CONSERVATRICI. In alio item numismate æneo ab ipsis Ephesij in honorem Commodi Imp. cuso bigæ ceruorum aurigante Diana, & hæ literæ circum impressæ sunt. ARTEMIC ΕΦΕCΙΩΝ. Visitur & aliis Mar. Antonini Caracallæ, in quo Dianam duæ ceruæ trahunt. præterea Callymachus in hymn. & Claudianus de laud. Stil. currui Dianæ ceruos itidem adiungunt. Sed & ob venationis studium quo tenetur & cui dominatur Diana. Cerui sub eius tutela, & præsidio sunt. Quapropter in veteribus Græcorum nummis Dianam videre est venatricis habitu succinctam, ocreatam, pharetra à tergo insignem, adstante cerua. In multis verò ipsam videoas in ceruos sagittas eiacylantem. qua profecto de causa montes, nemoraq; eidem accepta dedicataque fuerunt. Quod Horatius Od. 22. lib. 3. eximiè demonstrat.

*Montium custos, memorumq; virgo*

Montium autem ac syluarum tutricem dictam puto, quod in montibus cerui, & reliquæ feræ stabulentur, vel certe quia noctu incedit, ac suo splendore confragosa ac densa quæque loca perlustret. Quæ Phurnutus respiciens Dianam ὡρεσιφοίτῳ monticolam nominavit. Nemoribus præesse fingitur ex Fulgentij mente, quod arboribus, & fructuum succo augmenta ingerat. Sin autem alias rationes desideres ob quas præsertim ceruus in delitijs Dianæ fuerit dabo. Rorem ( aiunt ) Iouis, & Lunæ filium esse, idque ex doctrina Poëtæ vetustissimi inferius ( cum de Apibus erit sermo ) ostendam. Constat autem ceruos æstiuis temporibus ipsoq; statim Solis exortu rorem anhelanti ore excipere, atque eo se reficere, quod ipsum Physici obseruarunt, & in hyeroglyphicis Pierius. Cæterum cum cerui longissimæ sint vitæ non male Lunæ congruant. Quam proæter-

æternitatis symbolo in nummis Faustinæ Iunioris expressam monuimus. Per quatuor demum hosce ceruos iuxta Deæ caput appositos, fortè quatuor Lunæ sese mutantis facies designari poterunt. Verum illud connectando potius quam asseuerando dictum esto.

## LEONES DIANÆ IN SIMVLACRO cælati confociatam Solis, & Lunæ potentiam indicant.

**L**eo quamvis Solis animal Solarisquè naturæ particeps ab omni fermè Mythologorum cœtu perhibetur. Dianæ tamen, Magnæ Matri, Cybele. Cereri, ac Isidi adscriptum fuisse vetera monumenta nobis insinuant. Quare facturum me operæ pretium puto (cum vetustissimum simulacrum discutiendum suscepimus) si prisca numismata ad rem nostram stabilendam facientia scriptorum vice proferam. Igitur Magnæ Matris effigies in pulcherrimo æreo nummo Faustinae Antonini Pij filiæ, cum hac epigraphe MATRI DEVVM SALVTARI, Leonibus inclyta conspicitur. Cybelem Leoni insidentem Septimij Seueri numismata referunt apud Adel. Occonem. Eius similiter currum Leones trahunt in nummo Faustine Iunioris apud Petrum Mareschal Patricium Bisuntinum. Hæc etiam in quarto denario Volteiæ gentis leonum famulitio gaudet. In nummis Faustinae Iunioris Isidis Sistratae imago cum leone ad pedes exprimitur. Diana demum in arca illa celebri quam Cypselidæ in Olympia dedicarunt, alata insurgebat, & Leonem ad dextram, pantheram habebat ad sinistram ut Pausanias in Eliac. memoriæ prodidit. At verò quid Leonibus cum hisce Deabus pecu-

peculiare? & cur illis sacri fuerint nobis inquirendum est. An ideo Magnæ Matri leones solutos & mansuetos adiunixerunt ut designarent nullum esse terræ genus tam asperum atq; ferum quod non subigi coliquè pos- sit ( sic lego ) Varroni placuisse . An verò etiam ut si- gnificant maternam pietatem omnia superare . An quod Cybeles cum Dea montana sit, vehi leonum iugo debuit, An verò currum Cybeles Leones trahere di- cuntur. quod ab ijs nutrita sit. An quia Cybele , quæ & terra est, vim gignendi à Sole recipit . Solis verò præ- cipuum symbolum Leo . Qui & Cereri ideo forsan adscriptus fuit, quia hæc mensis Augusti tutelaris erat. Ut in Kalendario antiquo habetur . Dianæ porro de- stinatum crediderim ob duplicem leonis naturam eius enim anteriores partes, quia robore ingenti præditæ sunt, cælestia ; posteriores quia debiliores , terrestria re- ferunt. Quæ causæ licet ad confirmationem satis sint aliam tamen causam ex Arati Phænom. petere licebit, vbi ex Nigidio refert Leonem, qui in astris locum obti- net , iussu Iunonis apud Lunam nutritum, educatumq; fuisse. Porro quid causæ est: cur isti quatuor Leones humeris ac brachijs Deæ insident , sibiquè inuicem respondent dixerim non granate concordem Solis , & Lunæ virtutem in rebus omnibus producendis , ac fo- uendis per eos significari . ostendiquè nexum quo terrena cælestibus coniunguntur à qui- bus dum infusum recipiunt , eadem inter se , & cum cælo aptissi- mè cohærent .

\* \*

\*

## CANCER CVR EPHESIÆ DIANÆ

Sacer.

Inter alias imagines, quibus omne cælum distinxit antiquitas, non ignobile est Cancri signum, cuius figuram è collo Dianæ suspensam, & in extrema etiam simulacri parte appictam intueri licet. Hoc autem compactile testaceorum genus multas ob causas Diana, siue Lunæ acceptum fuisse palam faciemus. Nam ut sub Leonis effigie Solem Mythologi cognouerunt, sic Ægyptij pro Luna Cancrum pingebant. Causa est, quod in ipsa genitura mundi Solem cum Leone, Lunam cum Cancro, ortam crederent. Ad hæc Cancer cum Lunari sidere haud pauca communia habet: quippe qui frigidus, humidus, aqueus, nocturnus, & fœmineus sit. *Quod eius à fronte protenduntur apices duo rotundi & acuti firmi admodum, sub quibus duo cornua minora articulata,* secundum Rondeletij obseruationem. Eius etiam corpus rotundum & compactum à Lunari sidere haud multum aberrat, præsertim dum chelas expandit, tunc enim Lunæ corniculantis figuram quodammodo referre videtur. Nec vltimum decus Lunæ cornua; cui omnne genus animantium cornigerum sacrauit antiquitas, ob corniculatum globum. Cornua etiam inter præcipua Isidis symbola sunt: eique abiectissima insecta consecrata, vt illud Scarabeorum secundum genus quod bicorne est. Præterea vt Luna ob velocem cutsum incedere videtur; sic Cancer ferè solus è crustaceorum genere non natat, sed incedit. Ita Aristoteles Hist. r. cap. i. *Cancri quanquam aquatiles, tamen gressiles sunt, transuersoque latere procedunt.* Accedit quod inter venatores annumerantur Cancri, sub Diana verò tutela omnes

D

vena-

venatores fuere. Sed hoc præcipue ad rem facit (quod rerum naturalium scrutatores obseruarunt) Cancros vim Lunæ sentire: ea crescente pleniores & probatoris saporis fieri; decrescente verò minui: sicut & alia conchylia, ut canit Manilius Astronom.

*Ad Lunæ motum variant animalia corpus.*

Longænum est etiam animal, & quemadmodum Luna reuiuiscere videtur, ita Cancer crusta, seu tegumento se exuit, & statim reuirescit; quod est à Physicis animaduersum. Cancri præterea ad nocturni luminis splendorēm accurrunt, & noctu ut plurimum pasci solent. Quæ profecto satis euincunt Cancris multiplicem inesse cum Lunari sidere consensionem; nec sine mente, consilioque illi fuisse adsignatos. Haud tamen omittendum duxerim quod Golzius nullo citato auctore refert, Cancrum apud mystas prudentiam denotasse, & hanc ob causam è collo Dianæ Ephesiæ suspensum. Idem apud Platonicos hominis ortum viamque designat. volunt enim animas per Cancri ianuam in humana corpora dimitti: & veluti Capricornum Deorum, sic Cancrum hominum portam vocant; quod per eam egredientes animæ humanum in corpus transeant. Et hæc ad nostrum emblema aptari possunt secundum Physiologos, qui Lunare lumen naturæ generationi, ac vitæ præesse volunt. Istud etiam hic attexatur. Apud Brutios peculiari & insigni coronamento Dianæ caput Cancri testa ornatum, ut ex eorum nummis palam est. Antonini Pij numisma ab Ægyptijs signatum in auersa parte expressum Cancrum habet chelas expandentem, & falcatam Lunæ sectiunculam apprehendentem. Eodem planè schemate, & pari symbolo cancer sculptus est in veteri gemma, quæ in Pinacotheca Eminentissimi Cardinalis à Balneo adseruatur. Verum ista

de

de Cancro sufficient. Vocant nos ad se binæ Victoriae, Dianam corollis & palmis insignientes; earum igitur explanationem aggrediamur.

## VICTORIAE BINÆ DIANAM

Ephesiam cur corollis, & palmis  
in signunt.

**B**Inæ Victoriolæ Deæ pectus exornantes nos sollicitant, vt è sanctioribus Ephesiorum promptuarijs causas repetamus, ob quas præfertim Diana Ephesiæ Victoriae tribuerentur. Etenim non sine mysterio id ab Ephesijs præstitum. Hoc enim argumento cuncta summitti Lunæ potestati innuebant. Vel certe corollas memoriam esse beneficiorum à Natura siue Cerere generi humano collatorum volebant. Expressæ verò sunt alis passis, cum corollis & palmis, qui solitus est Victoriarum habitus, vt liquet ex Claudiano de Laud. Stil.

*Illa duci sacras victori panderet alas,  
Et palma viridi gaudens.*

Victoriae igitur imagines adeo gratæ, acceptæquè fuerunt Diana Ephesiæ, vt non modo eas ad pectus decordanum admiserit, verum etiam ab his coronari exoptarit. vt fidem facit Gordiani Pij æreus nummus ab ipsis met Ephesijs signatus, in quo Polymamma Diana visitatur, dextra scipionem præferens, quæ è binis Victoriolis vtrinque volitantibus coronatur: ante ipsam vero muliebris figura est cornucopiæ gestans. Singularis hic æreus nummus cum infinitis propemodum alijs in Museo Eminentissimi Cardinalis Fr. Barberini asseruatur. Inter præcipua Victoriae argumenta palma surgit, quæ

D 2 recte

recte Cereri tribuitur. cum per palmam iustitiam designari palam sit. eò quòd fructus reddat pari cum folijs æquilibrio, id quod Pierius Valer. obseruauit. Hanc autem legum inuentricem esse liquet vel ex Virgilio Æneid. 4.

*mactant lectas de more bidentes*

*Legifere Cereri, Phœboque, Patrique Lyæo.*

Palmam præterea ad alia numina sub nostro simulacro, contenta non inuitus traham. Et hanc arborem in primis ipsamet Luna tanquam propriam facile sibi vindicabit: cùm palmam hoc peculiare cum Luna habere rerum naturalium scrutatores obseruarint, vt sola omnium arborum per ortus Lunæ singulos, ramos singulos progeneret. Lunam item vitæ humanæ præesse ex mystis præmonui. atqui palma pro ipsiusmet vitæ symbolo ab Orpheo commendatur: nec inepte quidem, cum hæc arbor trecenta sexaginta commoda mortali bus elargiri feratur: quod optimè nouerant Babylonij, qui suis in hymnis huiusc arboris proprietates decantare solebant. Iam si ramorum eius naturam attentius perscrutemur, illis cum terra peculiare quid inesse deprehendemus. hi etenim quo maiori pondere grauantur eo plus in altum feruntur, surguntq; aduersum pondus: vt Aristot. VII. Problem. & Plutar. VII. Sympos. referunt. pari etiam ratione, quò plus tellus fulco premitur eo vberiorem frugum copiam agricolis suppeditat. Cæterùm cum Isim in Dianæ nostro simulacro reperiri non semel inculcarim, huic etiam palmæ appetitæ quadrare possunt. nam Isidi ex recondita hierophantum doctrina calceamenta ex folijs huiusc arboris intexta, Apuleio locupletissimo teste, parabantur. pedes ( inquit ) ambrosios tegebant soleæ palmae victoris folijs intextæ. Et præterea in solemini eius pompa, is qui

qui tertius incedebat , palmam auro subtiliter foliatam attollebat . hæc de palmis dicenda habui .

## ENCARPVS E COLLO DIANÆ

dependens curè varijs fructibus .

**T**erra cùm non hominum solummodo animalium-  
quæ benigna sit parens , verùm etiam omnium fru-  
gum fructuumquæ productrix , apposite propterea  
Ephesij encarpum , seu iugamentum lemniscatum ex  
varijs florū , fructuumque generibus confectum è  
collo Dianæ dependere finxerunt . vt potè cùm homini-  
bus ea suppeditarit , ac dispertierit , quibus vesci queunt .  
Inter præcipuos verò fructus , ex quibus fertum com-  
positum esse videtur , poma & papauera emicant . &  
illa quidem conuenienter , quia ob rotunditatem terræ  
figuram referunt . Hæc autem multiplicem ob causam  
Dianæ , seu mauis Cereri accepta , oblataque fuerunt .  
Papauer in primis apud omnes scriptores pro fertilitatis  
symbolo habetur : vnde & Ouid.lib.2.Metam.

*Ante fores antri fœcunda papauera florent .*

Huius etiam fructus telluris imaginem exprimere vide-  
retur , nam inæqualitas illa , seu turbinatum Papaueris  
corpus valles & confragosa montium ramenta deno-  
tat . interna verò hominibus , & subditis assimilantur ,  
vti Phurnutus retulit . Poterit & legiferæ Cereri attri-  
bui propter illa receptacula æquis interuallis inter se  
distincta . Callimachus in hymno ad Cererem papauer  
ei assignat . Apud Clementem Alexandrinum inter præ-  
cipua dona , quæ Cereri offerebantur , papauer recense-  
tur . Quam fortè ob causam Virgilius papauer Cere-  
ale tanquam Cereris donum exoptatissimum prædicari .

*Necnon*

*Necnon & lini segetem, & cereale papauer  
Tempus humo tegere.*

Ob vim autem somniferam recte Lunæ nocturnoque tempori conueniet: vnde & illi apud scriptores somniferi cessit appellatio. Apud Ouidium nox cum papauera corona depingitur. hoc enim tempore somnus propter humectatione potissimum vires suas exercet. Reliquæ verò florum fructuumq; figuræ, quas assequi facile non est, nihil aliud quam omnis generis frugum copiam designare videntur, quam terra seminibus grauidata parit, funditque libetaliter. flos etenim in plantis, frugem paulò post succrescentem pollicetur. Dianæ etiam fructus grati acceptiq; fuerunt, vt Pausanias in Achaic. testatum reliquit. Apud Patrenses enim Dianæ Laphriæ sacra facientes pomiferarum cuiusvis generis arborū fructus offerre solemne habebant. Non mirum igitur si encarpus collo Dianæ appensus varijs fructibus & floribus adornetur. Verum ne hic contextus incompositus dilabatur, vitta seu fascia tenui astringitur. vt per vittam obliquus flexuosusque Lunæ cursus intelligeretur.

## GLANDES INDICES PRIMI CIBI, dum terra mansit inculta.

**E**Ncarpi extrema querneæ glandes tanquam elenchi coronant, quæ Cereris beneficia satis superque arguunt: cùm in primis rerum incunabulis hoc fructuum genus mortalibus alimenta præbuerit: sed Cereris beneficio, in meliora, & mitiora commutata fuerunt. quod apertè declarat Ouidius in Fastis:

*Prima*

*Prima Ceres homine ad meliora alimenta vocato*

*Mutauit glandes utiliore cibo.*

*Quo facit, & illud Virgilij Georgicorum initio.*

*Liber, & alma Ceres, vestro si munere tellus*

*Chaoniam pingui glandem mutauit arista.*

Antiquitus agricolis in more positum fuit ut quotiescumque Cereri rem diuinam facerent, faciebant autem dum spicæ frugem emittere cæperant, querneis coronis vterentur. cuius generis coronamenti meminit Athenæus lib.xv. Eundem feriunt scopum Maroni versuſ Georſ. lib. i.

*Falcem maturis quisquam ſupponat aristis,*

*Quam Cereri tota redimitus tempora quercu*

*Det motus incompositos, & carmina dicat.*

Non possum autem hic silentio præterire grauiflma illa verba, quæ in inuocatione Apuleiana ad Lunam habentur. *Regina cœli, ſiuè tu Ceres alma frugum parens originalis, quæ repertu letata filiæ, vetustæ glandis remoto pabulo, miti commonistrato cibo nunc Eleufinam glebam percolis.* Postquam verò huiusc Deæ beneficio terra nouis frumenti feminibus locupletata luxuriauit, glans contemni coepita est: taleque fuit mortalium in glandiferas quercus odium, vt inde natum fit illud, *ἀλις δέρνεται, satis quercus.* Et hæc fortè fuit ratio cur querneas glandes huic en carpo tanquam in Deæ trophæo protomystæ suspenderint. Sed & Hecate, quæ à Luna non abludit, corona è quercu plexa decorari gaudebat, ſicut Æſchylus declarat. Addamus insuper, quod glandes appiclae Naturæ prouidentiam adumbrent: ſiquid glandiferæ quer cus primis hominibus alimenta subminifrarunt. Ad hoc igitur Naturæ beneficium alludere volentes alium fructum glandibus affociarunt, quem, vt ex eius figura orbiculari & oblonga appetet, dactylum esse autumno.

neque

neque præter rationem : cùm paulo ante palmam Cereris delitijs adiudicatam fuisse dixerimus ; cuius fructus tanta est facultas , vt præterquam quod in esu sit suauissimus , ex eo etiam vina , & panem conficiant Orientales , & quadrupedibus edendum præbeant.

## M A M M Æ N V T R I T I O N I S S I V E alimentorum symbola .

**A** Egyptiorum Theologia , Lunam matrem mundi , à Sole grauidatam fœcunda generationis principia diffundere superstitione credidit , vt in libros Aristotelis *περὶ ἐγγύτων* scribit Ammonius . Ab hoc disciplinæ fonte illos suam Isim efformasse reor : & fors inde factum vt hinc *τιθλὺν* , & *ταυρὸν* , ex Platone apud Plutarchum libro 1. de Iside & Osiride existimetur . quod sit scilicet nutrix , & susceptrix generis humani . Proindè non mirum si frequenter eius imago pensilibus , & prominentibus mammis conspicua in priscis monumentis repræsentetur . Etiam apud Macrobius continuatis vberibus depingi paulò ante diximus . Ad Ægyptiorum imitationem Epheſij simulacrū Deæ Naturæ Polymammæ cum infinito scilicet vberum numero composuerunt . Cuiusmodi à Diuo Hieronymo , & Minucio Felice in Octauio depictam fuisse superius indicauimus . Apud Arnobium Cererem cum grandibus mammis efformatam intueri licet . idemque paucis lineis interiectis huic mammas item promptas adscribit . Pausanias in Messen . Dianæ nutricis , quæ *ταυρὸν* indigitabatur , mentionem facit . Et apud eundem in Attic . legere est , Athenienses delubrum Telluri puerorum

rorum nutrici exædificasse. Apud Aristophanem verò hæc puerorum altrix etiam vocatur. Lucretius pariter Cererem mammosam facit hoc versu:

*At gemina & mammosa, Ceres est ipsa ab Iaccho.*

Geminam dixit acsi opimam & amplam innuere voluifset. Ex adductis nemo non videt, Isidi apud Aegyptios, & Macrobius; Diana apud Ephesios, & Messenios; Telluri apud Athenienses, Cereri apud Lucretium & Arnobium nutricis seu mammosæ elogium æquè fuisse attributum. nec ab harum consortio Rhea eliminanda erit, cùm & ipsa matris titulo gaudeat. Conspirare autem hæc omnia videntur; vt hasce omnes Deas sub vnico Dianae nostræ simulacro copulatas firma probatōne retinere possimus. Atqui non indecenter Diana, seu mauis Ceres Polymamma à priscis illis mythologis efficta, quam superius Δίη μυτρέας dictam ὥς δὴ μυτρέας θεόν ex vetustissimis scriptoribus protulimus: quod vtique mater altrixquè sit omnium, quæ in ea vitam degunt. Alij γερρήτης dicunt, quod omnia pariat, & recipiat. Sed & a Virgilio alma dicitur, ab alendo nimirum, vt Seruius interpretatur. benignis enim Telluris Lunæquè viribus alimenta præcipue deberi veteres agnoscebant. Huius autē singularia beneficia Columella lib 3. cap. 22. decantat his verbis. *Quibus alma Tellus annua vite, veluti aeterno quodam puerperio leta mortalibus distenta musto dimittit ubera.* Cæterum hæc nostra multimammia genuinus est prouidentissimæ Naturæ typus. Apud priscos enim papillæ rotundæ atque prominentes, fæcunditatis erant indicia: & hoc præsertim hieroglyphico Ægyptij ad Isidis, seu Cereris fœcunditatem, ac rerum omnium affluentiam designandam vsos fuisse Apuleius auctor est. Nam veluti lac profusum ex vberibus saginat fætus, ita etiam è gremio telluris fruges productæ mitia alimenta

mortalibus præbent. Proinde non inconsultè inter alia  
fercula quæ in pompa Iſiaca à ſacris Ægyptiorum an-  
tistibus præferebantur vafculum papillæ ſimile ab Apu-  
leio recenſetur. Luna quippe partubus præeffe credi-  
tur, quia illius ope, propter vim propriam humoris,  
ſætus adiuuatur, & in vtero intumefcit. Per innume-  
ras demum mammae Naturæ adſcriptas infinitum non  
hominum ſolummodò, verum etiam animantium, nec  
non vegetabilium numerum, quæ in ſimul alit, adum-  
brare haud dubiè voluerunt. Cum videlicet penè to-  
tum Deæ corpus varijs animalium figuris refertum, &  
diuersis fructuum generibus inſignitum repræſentetur.  
Sed & Plutarchum audiamus referentem quod Lunare  
lumen generandi, atquè humectandi vim habeat; ac  
tam animalium ſætibus, quam plantarum pullulationi-  
bus conducat. Vnde Apuleio ſæpius laudato Luna, fi-  
ue Ceres omniparens, quaſi omnia pariens & gignens  
dicitur. Nec verò ab hac ſemita diſcedit Mantuanus  
poëta dum dixit.

*Nec non & Tityon terra omniparentis alumnum  
Cernere erat.*

Enim uero cum omnia ab ea alantur, perinde atquè à  
nutrice & matre, ſignanter maternum nomen illi in-  
ditum eſt. Quo etiam epitheto Luna ab Orpheo coho-  
nestatur, apud quem modò οὐρανοῖς, modò τελέσθοις  
indigetatur. Audi, ſi graue non eſt, inſignem Lucretij  
lib. 2. ad hanc rem locum.

*Denique cælesti ſumus omnes ſemine oriundi:  
Omnibus ille idem pater eſt, unde alma liqueſtis  
Humorum guttas mater cum terra recepit,  
Fœta parit nitidas fruges, arbusta quæ lata,  
Et genus humanum: parit omnia ſecla ferarum  
Pabula cum præbet, quibus omnes corpora paſcunt,*

*Et*

*Et dulcem ducunt vitam, prolemque propagant:  
Quapropter meritò maternum nomen adeptā est.*  
Luculentè hoc identidem præfatus poëta & Philo-  
phus ostendit alibi, ad quem lectorem remitto. Firmi-  
cus Maternus Mathem lib. 3. omnem substantiam hu-  
mani corporis ad potestatem lunaris luminis pertinere  
auctor est. Idemquè lib. 4. Lunam humanorum corpo-  
rum matrem scientè appellat. Luna etiam, eodem re-  
ferente, terræ imperium ex vicinitate fortita, omnium  
animantium corpora & concepta procreat, & genera-  
ta dissoluit. Diuus autem Augustinus de Ciuit. Dei lib. 7.  
Tellurem dici matrem asserit, quia plurima pariat; ma-  
gnam, quia cibum cunctis subministret. Quæ omnia  
ambarum manuum porrectione iterum indicantur. li-  
beralitas enim passis manibus olim figurabatur, ut scri-  
bit Diodorus Siculus lib. 4. Et has quidem ambas nobis  
porrigit, ut nos continuis beneficijs impleat, & iuuet  
in aduersis. Verum his obiter allatis ad alia emblemata,  
quibus reliquum Dianæ corpus stipatur, deflectere li-  
bet. Statuæ vmbilicum tres cerui occupant, de qui-  
bus cum abunde supra dictum, Sphinges explicandas  
suscipiemus.

## S P H I N G E S.

**V** Trumquè Deæ latus duæ Sphinges muniunt, quæ  
ab Ausoniana descriptione non discrepant. iuuat  
autem ipsummet vatem audire in ternario numero.

*Terruit Aoniam volucris, leo, virgo triformis  
Sphinx, volucris pennis, pedibus fera, fronte puella.*

Inter vetustissimos verò scriptores non defuerunt, qui  
caudam draconis illi adiunixerint: sed in illa non mora-  
bor. consule si lubet Herodotum, Ælianum, Plutar-

chum, Solinum, Diodorum, Plinium, Clementem, Alexandrinum, & Palæphatum, qui caninum etiam illi caput assignant. Potes præterea genuinam eius effigiem ex infinitis propemodum monumentis antiquis obseruare. Hoc dicam, Sphingem Ægyptium fuisse inuentum: quam ex virgine, atquè leone compositam finxerunt. hac præsertim ratione ducti, quod Quintili & Sextili mensibus, sub quorum tutela Leo & Virgo sunt, Nilus exuberet, ut Bellonius obseruauit. Apud Ægyptios item constans fama est, Sphinges præ foribus ædium sacrarum Isidis & Osiridis tanquam silentij, taciturnitatis, ac prudentiæ symbola fuisse collocatas, vt Synesius orat. de proud. memorat: quibus signis templo Deorum adeuntes ut tacitè vota facerent monebantur, nec arcana numinum diuulgarent, sed mysteria sub his latitare præsentirent. Hanc autem Ægyptiorum doctrinam ad Ephesios transiisse ex germana Isidis, & Cereris cognatione autumare licet. Nam sicut Sphinx Méphitica, sacra ceremoniasque seclusas esse, & silentio tegi opportere innuebat; sic non absimili ratione Cereris initia occultanda, obsignandaquæ esse apud Ephesios figura Sphingis Dianæ simulacro insculpta præmoniebat. Quæ ut credibilia habeam impellunt me tacita illa & operta Cereris apud omnes ferme gentes initia, & sacra: quæ nulla re magis quam silentio constare Iustinus memorat. Ad quæ alludens Apuleius scribit: *Catera que silentio tegit Eleusis Atticæ sacrarium.* Porro mysteria Eleusina dicebantur, quod apud Eleusinos primum inuenta fuissent, in quibus silentij fides adhibenda erat. *Μυστήρια* etenim ut Suidas interpretatur *μωτε τε μύσης το στόμα* dicebantur, ab ore videlicet claudendo. quod deceat eos, qui audiunt diuinæ cærimonias os obturare, nec ulli mortaliū enunciare, ne oculis profanorum ob-

obuiæ polluantur. Initiationes etiam hæc Cereris mysteria dicebantur, vt Arnobius obseruauit: quia semper profanos arcebant, vt arbitris carerent. omni exceptione maius erit hoc Horatij lib. 3. Car. super hac re testimonium.

*Vetabo qui Cereris sacrum  
Vulgarit arcana, sub iisdem  
Sit trabibus, fragilemque mecum  
Soluat faselum.*

Ad cuius etiam mentem Tibullus canit.

*Non ego tentavi nulli temeranda Deorum  
Audax laudandæ sacra docere Deæ.*

Verum si in sacris Cereris hæc religiosi arcani obseruatio tenebatur, Cybeleia sacra non minori cultu, aut silentio peragebantur. Quo spectant illa vatis,

*hinc fida silentia sacris.*

Cum autem nocturno tempore altum sit ubique silentium, hac de causa Cereri, ac Cybelæ noctu sacra celebabantur. Quamquam iuxta M. Varronis, & Diui Augustini sententiam multa in Cerealibus mysterijs tradebantur ad fruges maximè pertinentia, quæ omnia peculiari taciturnitate obsignanda erant. Apuleius item Eleusina mysteria, lætificas messium cærimonias appellat. Sphinges porro ex humano ferinoquæ corpore constabant: facie plerumque muliebri, nonnumquam etiam virili; quæ Androsphinges Herodoto dictæ. Quo symbolo non ineptè declaratur, Cereris beneficio ferinâ illam & agrestem mortalium prisci æui barberiem in humaniorem, & urbaniorem vitam commutatam fuisse. Nam Ceres præterquam quod frumentum inuenit, eius etiam subigendi rationem edocuit: & leges dedit, quibus iustitiam colere mortales didicerunt. his autem beneficijs nulla maiora reperiri possunt.

Vnde non sine causa ab Ouidio dictum est:  
*Prima dedit leges, Cereris sunt omnia munus.*

Sed & alia ratio de huiusc animalis symbolo hic expresso subesse poterit, si diligentius priscorum monumenta perpendantur. Ænigmata quippe & res abstrusas Sphinge designari nemo nescit. Naturæ autem arcana in tenebris iacere; obliquas asperasque semitas esse, quæ mortales ad rerum naturalium intelligentiam introducunt, quis ignorat? Certè non oportet nos crassa pinguiquè Minerua abditas rerum causas naturæque mysteria inquirere. sed temporis diurnitate subtilliорi què indagine opus est, ut quantalamcumque cognitionem referamus. Iam Sphingis symbola, gryphes excipient.

## GRYPHES, DRACONES, ALIÆQUE Ferae.

**G**ryphem fictitium animal esse notum est, ideoquè in eius descriptione variant auctores. plerique ex Aquila & Leone compositum volunt: Aristæus Proconœsius apud Pausaniam incuruum illi rostrum aquilarum more, auritumquè caput adscribit. Quin & Gryphem Ægyptium fuisse commentum vetustissima illa ænea Bembi tabula docet. In ea nempe gryphes multis varijsquè formis cælati apparent, quod indicium est, hoc animalis genus Isidi gratum acceptumquè fuisse. Quare non mirum si Diana Ephesiæ attributi etiam fuerint. Quamuis non desunt qui inter peculiaria Solis symbola reponant: ob igneam præcipue vim, qua præditum esse memorant: ut non inconcinne etiam Lunæ, quæ Solis soror & coniux perhibetur, tribuantur,

tur, scilicet ob frequentem eius cum Sole coniunctionem, & a quo ignea fit. Iterum si ex Aquila & Leone gryphes compositi, Aquila recte ad Solem, Leonis vero pars posterior (quod & Macrobius annotauit) quia imbecillior, ad Lunare sidus referri poterit. Sic igitur sub hoc figmento utriusque sideris socias vires, & effectus in omnibus rebus procreandis fouendisque Ephesios prænotasse autumaram. Adhæc gryphes ob eximiam perniciatem Lunæ competere videntur: quod & de velocissimis alijs feris paulo ante referebamus. Post gryphes mystica sunt aliarum ferarum symbola: quæ pantheras, vel leopardos, aut tigres referre videntur; sed ob similitudinem quarumnam potissimum sint, arduum est dignoscere. ideo his non immorabor, sed ad notiora pedem referam; præsertim cum in his nihil aliud quam velocem lunæ cursum designari putem.

## D R A C O N E S.

**S**Acrorum Ephesiorum præsides multa (ut præfati sumus) ab Ægyptijs mutuati, non mystico tantummodo Sphingis symbolo, verum etiam alijs primarium ciuitatis numen cohonestare volentes, geminos Dracones antiquissimo eius simulacro adiunxerunt. Nequæ hoc sine recondito aliquo sensu factitatum crediderim: cum inter cætera animantium genera, quæ summo in honore apud Ægyptios olim fuerunt, Dracones siue Serpentes enumerentur; quorum effigies in Isiaca Bembi tabula non semel appictæ conspiciuntur. Ac ne priscorum vatum subsidio carere videamur, Ouidium dabimus, qui serpentem in pompa Isidis describit:

*Plenaquæ somniferis serpens peregrina venenis.*

Iuue-

Iuuenalis Sat. 6. etiam serpentem simulacro Isidis comitem inducit hoc versu :

*Et mouisse caput visa est argentea serpens.*

Tanta autem fuit apud priscos veneratione serpens, ut inter præcipua gentium mysteria decantaretur. Idipsum luculentè Clemens Alexandrinus, Iulius Firmicus, & Iustinus Mart. ostendunt. Nec defuere, qui serpentibus diuinitatem inesse dixerint. in quorum numero Taautes apud Eusebium, idquè ex Phœnicum Theologia. Quare cum ad Græcos eadem religio, vel potius superstitione translata fuerit, Ceres potissimum serpentes elegit. Omnino Apuleiana Ceres draconum in pinnato curru conspicua incedere fingitur. Orpheus verò in hymnis Cererem in curru, Draconesquè eam trahentes describit: quod splendidè Ouidius Fast. lib.4. expressit, dum Cereris ex Sicilia profectionem describit.

*Quo simul ac venit, frenatos curribus angues*

*Iunxit, & aquoreas sicca pererrat aquas.*

Tale quoquè est illud prælaudati vatis, dum Deam Celei Menolinæ hospitium deserentem recenset :

*Dixit, & ingrediens nubem trahit, inquè dracones*

*Transit, & alifero tollitur axe Ceres.*

Non pauca marmorea monumenta eodem planè schemate, quo hic depingitur, Cererem effectam referunt. causam verò huiuscē figmenti inquirere conductit. Draconis symbolo terram significari credidere multi, quod eam toto corpore penè perrepens verrere videatur. Sed quoniam non Cereris modò numen, verùm etiam Dianæ, sub hac statua agnoscebatur, Diana ipsamet ad-eunda erit, ut rationes, ob quas serpentes seu dracones in complexum receperit inueniamus. Pausanias in Arcad. scripsit, inter alia signa, quæ in Dominæ siue Heræ fano reponebantur, Dianæ vnum repositum suisse,

cer-

ceruina pelle vēlatæ , pendente ex humeris pharetra , altera manu lampadem, Dracones duos altera gestante Naturæ numen prudentissimum fuisse ex veterum elo- gijs superius ostendimus . Prudentiæ enim symbolum Serpens : quem & insuper sapientiæ indicem vetustas esse voluit . Hunc præterea in delicijs fuisse ferunt propter peculiarem illam excubandi vigilandiquè vim, qua præditus est , & ob acutissimam oculorum aciem , quæ omnia Lunę indefessæ competitunt : siquidem suo splen- dore noctu cuncta collustrat . Per eius insuper eximiam celeritatem , flexuosos meatus , lapsusquè erraticos , Lunæ iter sinuosum designari potest . Dracones demùm cornibus è fronte prominentibus insigniti ; & hanc for- tassis ob causam sub Dianæ tutela admissi fuerunt . quia omne cornigerorum genus Luna , vti iam dictum est si- bi vendicat .

### B O V E S .

**P**eculiari quadam religione Bōues Cereri , Lunæ , nec non & Isidi consecrauit antiquitas . Cereri quidem ob agriculturam , quia semina vix absquè aratione pro- ueniunt . Et hoc vnico symbolo telluris fœcunditas de- monstratur : huiusquè sub effigie à nonnullis gentibus , & præsertim à Phrygibus cultam fuisse ex priscis monu- mentis deprehendimus . Ægyptij quoquè hieroglyphi- cis literis , cùm terram significare volunt , ponunt bouis figuram . Dianam quinetiam in insula quadam sinus Per- sici tauri sub imagine summo in honore habitam fuisse Dionysius Alexandrinus memorat . Apud priscos verò tanta fuit huiusc animalis veneratio , ob summam illius in rusticis laboribus sustinendis patientiam ac toleran- tiā , vt tam capitale esset bouem aratorem necasse .

F

quam

quam ciuem: cuius rei exemplum habeatur apud Plinii. Huius etiam encomium Varro lib. 11. de re rust. decantauit his verbis: *bos socius hominum in rusticō labore,*  
*& Cereris est minister.* non absimilia ab Ælianō var. histor. lib. v. referuntur, cuius hæc sunt: *bouem aratorem,* qui iugum trahit, vel in aratro, vel in plaustro ne maestes: quia ille etiam agricola est, & humano generi laborum socius. Pythagoras apud Ouidium mansuetam, cicuramquæ huius animalis naturam explicans in hæc verba prorupit:

*Quid meruere boues, animal sine fraude doloque  
Innocuum, simplex, natum tolerare labores.*

Hanc igitur ob causam in sacris Cereris interdictum erat ne bos adhiberetur, propter varia commoda quæ mortalibus afferre solet. iterum Ouidius in Fastis.

*A boue succincti cultros remouete ministri,  
Bos aret, ignauam sacrificare suem.*

*Apta iugo ceruix non est ferienda securi,  
Viuat, & in dura sæpe laboret humo.*

Cur verò hoc animal Lunæ sit adscriptum, ante alios nobis rationem fuggerit Luctatius Grammaticus his verbis. *Luna verò quod proprius Tauro adhærebat, vacca id est boue figurabatur,* eius autem exaltationem esse in Tauro Iulius Firmicus, & Porphyrius testantur. Lunæ currui boues Ausonius ad Paulinum adsignat,

*Iam succedentes quatiebat Luna iuuencos.*

Et Claudianus.

*Quo Phaeton irrorat equos, quo Luna iuuencos.*

In nummis antiquis Sept Seueri, Antonini Caracallæ eius filij, necnon & Iuliæ Piæ Luna stat in biga, quam gemini boues trahunt. Bouis item cornua Lunæ præfertim fuisse gratissima testatur Orpheus hymno Dianæ. Quin & ab illorum figura peculiare nomen fortita est. *Taueπος* enim & *Taueπόλας* dicebatur, vel à boum cornibus,

nibus, vel ab aspectu quo appareat, cùm corniculata est: aut certe quia id animal terræ culturæ deputatum est. Boues item apud Ægyptios Isidi in delicijs præcipuè fuerunt, vti monuit Herodotus: referens illis morem fuisse boues mares Osiridi, fæminas verò Isidi dedicare: cuius auctoritati Diodorus Siculus astipulatur. Inter alia autem antiquitatis analecta, quæ in Musæo meo assertuantur, Isis ex nigro lapide effigiata visitur, supra cuius caput bouina cornua assurgunt, quibus summa rerum abundantia, & fertilitas designatur. nam secundum Salomonis XIV. Proverb. sententiam, *Vbi plurimæ segetes ibi manifesta est fortitudo bouis.* In apparatu sacrificali, seu pompa Iſiaca, bos inter alia fercula à Protomystis præferebatur, vt in marmore peruerteri obseruaui. Diana porro apud Romanos, non fecus quam Isidi apud Ægyptios, boum cornua sacrata deprehendimus. Hi etenim in vestibulo templi Diana montis Auentini ex vetustissimo ritu boum cornua affigebant. Quid si omnes hæc Deas boue gaudere diximus? numquid etiam in ipsius Naturæ parentis delicijs esse poterunt? Certe quidem. nam ad illam omnium ciborum, & alimentorum, quibus mortales sustentantur, officium pertinere antiqui putarunt. Boui quippè nomen à nutriendo factum volunt. Bœnus enim nutrio sonat: si quidem labore suo in terra exercenda nos continuo nutrit. Vetus autem Glossa super Exod. cap. 22. beneficia quæ à boue percipimus enumerans. *Bos ( inquit ) in primis immolatur, arat, pascit carnibus, lac dat, & corium diuersis usibus ministrat.* Ad hæc multiplicita commoda Hesiodus respiciens bouem inter familiæ partes reposuit. is enim libro, qui inscribitur opera & dies, domum ex viro, muliere, & boue aratore constare indicauit. Quam vero appositè Ephesii boues laboriosissimos utilissimi-

Apibus associarint in hoc marmoreo Naturæ simulacro  
mox ex sequentibus innotescet.

## A P E S .

**S**Olæ ex volatilium , & insectorum genere Apes Dianæ consecrari, ipsiusquæ corpus symbolico argumento cohonestare meruerunt. Et hæ quidem terræ vtrimequæ effictæ, ac rosis immixtae latera Deæ muniant. Nec immerito sane: cùm iuxta præceptum Plinij rosæ iuxta aluearia sint collocandæ. Cur vero Diana, Cereri, Terræ, & rerum parenti Naturæ in delicijs fuere? An cùm virginitatis cultrix sit Diana Apes ei adscriptæ ob incorruptam virginitatem? castas profecto Apes Pet. Damianus epist. 15. lib. 1. describit, cum inquit: *Apes sobolem successuræ posteritatis enutriunt ut virgines perseverent.* Quin & naturali quodam instinctu res Veneras adeò aduersantur, vt eos qui recens operam Veneri dederunt acrius inuadant, quod Plutarchus in coniugalibus præceptis annotauit. Consona etiam sunt illa, quæ de integritate earum virginali cecinit Virgilius Georg. lib. iv.

*Illum adeo placuisse apibus mirabere morem.*

*Quod nec concubitu indulgent, nec corpora segnes*

*In Venerem soluunt, aut fatus nixibus edunt.*

Quod ipsum luculentè Quintilianus in declamatione quæ *Apes pauperis* inscribitur, ostendit his verbis: *non illas libido progenerat, domitrixque omnium animalium Venus.* Eucherius autem Apem virginitatis symbolum esse tradit. Vide si lubet Albertum Magnum lib. 17. de An. tract. 2. cap. 2. & miram Apum castitatem agnosces. Quare cùm Diana summoperè virginum moribus, ac consortio delectetur, non mirum si purissimas Apiculas

las in complexum tanquam aptissimas comites receperit. An non Dianæ exemplo Apes in montibus degunt, & locis ab hominum consuetudine remotis gaudent? Aliam causam habe: Apes rorem ex floribus legunt, fauos inde conficiunt; non inepte igitur Dianæ seu Lunæ alumnæ dicuntur. cum Alcman poëta Lyricus, vel ipso Macrobio Satur. lib. 7. teste, rorem aëris ac Lunæ filium esse dixerit: & peculiari encomio Luna roscida nominetur. Aliud occurrit quod hic attexam: Apes propter eximiam velocitatem Lunæ tribui. scitè enim ab Ouidio agiles nuncupantur. Verùm libetne ut quid iam Apis cum Cerere peculiare habeat disquiramus? Porphyrius in antro Nymphaeum Apes Cereris ministras statuit. numquid ob puritatem? hoc equidem sentire Pindarus in Pyth. videtur: cuius interpres ad hæc verba,

Oἱ δὲ ἐν τῷ τρῷ λίγῳ χρησμῷ δέθησε μελίσσας.

Propriè quidem, ait, *Apes Cereris ministras appellavit; propter earum puritatem: impropriè verò omnes alias animantes.* Idem Pindarus alibi Cererem in solemnibus sacris Apibus delectari scribit. quo factum crediderim, vt cùm Ceres maximè à sanguine abhorreat, mella inter alia libamina sibi asciuerit. Pausanias in Eliac. autor est, Eleos cùm in Prytaneo monte Cereri sacra facerent, thure & melle subactum triticum adoleuisse. Idemquè in Arcadicis refert, Cereri Phigaliensi fauos fuisse oblatos. Et hoc instituti genus ad Romanos usque transiit. nam quotiescumquè Ambaruale sacrum pro maturis frugibus fiebat, faui cum libamentis offerebantur. Adeò ad impetrandas fruges Apes valere credebant. Quo mire facit quod de Trophonij Oraculi origine Pausanias in Bæotic. prodidit, cuius verba adscribere non pigebit, *Cum unum, inquit, & alterum annum nullis terra imbrisbus*

irri-

irrigaretur, è singulis ciuitatibus Delphos missi sunt qui opem implorarent. His ficitatis remedium exposcentibus Pythius Apollo imperauit, ut Lebadeam venientes à Trophonio malo auxilium quærerent. Lebadeam itaque profecti, cum Oraculum reperire non possent, Saon quidam Acræphoniensis, collegarum natu maximus, cum Apum examen conspexisset, quocumque illæ diuertissent sequi statuit. Vbi igitur eas ad specum quandam advolantes vidi, & ipse subiens oraculum quod quærebant illud esse intellexit. Quo inuenito, quæ iam dudum inculta, & squallens terra iacuerat, imbribus tandem saturata breui florida, ac frugifera fuit. Quoniam tandem iure Apes Cybelem attingant videamus. Papauer, ut Eusebius monet, Ciuitatis est symbolum, ob multitudinem scilicet granorum, quæ in eo, tanquam in ciuitate ciues stipantur. pari ratione Apum aliueare ciuitatis seu reipublicæ congruum potest argumentum constitui. Apum quippe labor, & vita indefessa, nihil aliud est quam exemplar reipub. optimis legibus, & ciuili disciplina institutæ. Quin ut hominum frequentia conseruantur vrbes, sic in aliwearibus Apes. adeò nempè frequentiæ, & societatis amatrix est Apis, (quod Mausonius annotauit) ut si sola relinquatur, desiderio tabescat, & moriatur. quod etiam innuit Cicero Offic. lib. I. Apum examina non fingendorum causa congregantur, sed cum congregabilia natura sint, fingunt fauos. Igitur sicut inter ciues officia reipublicæ diuiduntur, sic etiam Apes inter se labores, & opera in mellificando partiuntur: nullique licet otiali, sed ignauos abs se propellunt. tangit hanc eorum natu ram Virgilius:

*Ignatum fucus pecus à præsepibus arcent.*

Non immerito igitur sub Cybeles famulatu Apes statuendæ, sub cuius tutela vrbes. Addatur & istud, Cybele & Cereri æquè communia fuisse cymbala. at quis  
ne-

nescit Apes dissipatas , & displicatas , vt loquitur Varro  
de re rust. lib. 111. cymbalis & plausibus in vnum lo-  
cum reduci ? hæc sciens Claudianus cecinit .

*qualis Cybeleia quassans*

*Hybleus procul æra senex , reuocare fugaces*

*Tinnitu conatur Apes .*

Apibus igitur & Cybelæ æra communia . sed & Lunæ  
quoquè : confueuerant quippe veteres delinquentem  
Luna æra pulsare . cuius moris meminit Manilius Astron.  
lib. 1.

*Vltima ad Hesperios insectis volueris alis*

*Seraq[ue] in extremis quatuntur gentibus æra .*

Ceres non minus digno quàm proprio elogio Munifi-  
ca dicebatur : ita etiam Apis munifica nuncupanda ,  
gratis enim nobis mellificat , & sine impendio labores  
suos mortalibus elargitur . Denique ipsius Telluris fe-  
racitas vbertasquè non potuisset alio melius , quam  
Apis symbolo subintelligi . Verum offert se præcipua  
quædam mihi ratio , cur Ephesinæ Dianæ simulachro  
Apes insculptæ fuerint , eamque insinuat Philostratus  
his verbis ; Τί οὐδὲ Μῆσας δένθο ; τὶ δὲ εἴσι τάς πηγάδας τῆς  
Μελιτῶς ; Αὐθεντοῦ ἡ Λαύριαν ὅτε απόκυκλον , Μῆσας ιγύεντο τῆς  
νεᾶς , ἐν ἔιδη μελιτῆρι . Quidnam huc Musæ ? Quid  
ad Melites fontes ? Cum Athenienses Ionicas colonias du-  
cerent : Musæ classis duces fuere , sub Apum specie .  
Quod & ante Philostratum Himerius Sophista anno-  
tarat , vt à Leone Allatio linguae Græcæ peritissimo ac-  
cepi . Quo factum vt in huius beneficij recordationem  
Ionicarum Vrbium princeps Ephesus has etiam Apes ,  
principis sui numinis simulacro insculperit . hæc de  
conuenientia symbolorum satis . nunc earundem op-  
portunitates explicabimus .

## APVM ET MELLIS COMMODA.

Pacetne vt Apis dotes & mellis commoda perscrutemur? Naturam veluti matrem prouidam, & totius generis humani susceptricem cum multis mammis supra produximus. Verum cum ipsius lactis usus ad reliquam hominis vitam educandam sufficere minimè posset, indulgenter varia fructuum genera subministravit, vt facilius mortales sustentarentur. Ad hæc autem exoptatissima Naturæ dona sagax Ephesiorum religio respiciens, non sine mente cum infinitis illis papillis uberrimam fructuum copiam, quibus fertum lemniscatum refertum conspicimus, velut ex eius sinu productam mammis associauit. Cum autem sine lactis usu, & frugibus hominis vitam posse sustentari Ephesij cognouissent; beneficio videlicet ac edulio mellis, ideo Apes Naturæ simulacro, tanquam ministras hominibus necessarias adiunixerunt. Ipse met Iupiter ante omnes, Antonino Liberali teste, Apum beneficentiam sensit. illi quippe in antro Cretensi vagienti Apes mella tanquam diuinum nectar pro alimento dederunt. Sed conuenientius sit ex Lactantio lib. 1. cap. 2. dicere, Mellissam regis Cretensis filiam una cum forore Amalthea Iouem puerum educasse: illam scilicet melle, hanc verò lacte caprino. post Iouem Beroe quoquè mellis alimonio nutrita, sic refert Nonnus Dionys. At enim verò non vni Ioui, nec soli Beroæ mellis edulia communia: verum etiam primitius mos erat, vt peculiariter hoc cibo pueri pascerentur. Ideo Moschius iubet, vt nutrix os infantis melle illinat. Apud Ouidium Fast. lib. 4. etiam Triptolemo infantilac, poma, & mella edenda dantur.

*Mox epulas ponunt, liquefacta coagula lacte,  
Pomaquè & in ceris aurea mella suis.*

Hieroni autem, cùm iussu patris expositus fuisset, quod ex ancilla natus crederetur, humanæ opis indigeti Apes in os mella congesse: quo ostento pater ab haruspici- bus admonitus filium recipiendum duxit, moribus, & disciplinis illis erudiendum curauit, quibus postmodum ad præsignatam regni maiestatem facile peruenit. Quare Apis eodem nutricis epitheto decorari potest, quo Diana ab Orpheo cohonestatur; vtraque enim *ωμοτρόφος*, hoc est, puerorum nutrix est, quo etiam nomine Diana apud Diodorum vocatur. quòd scilicet ad eam infantiam, & ciborum officium pertinere veteres exi- stimarent. Attexatur & illud quoquè, Pindarum, cùm è paterna domo pulsus & expositus fuisset, ab Apibus educatum, teste Ælian. de var. hist. Et eius filias paterno præsidio & opibus carentes è benigna Veneris manu ca- sei, & mellis edulia suscepisse.

Verum enim uero hoc pretiosi nectaris alimentum non infantibus primulè etatis tantummodo exhibitum, quinimo grandæuis, & longæuis etiam hominibus per- gratum salutarequè fuisse priscorum paginæ nobis sug- gerunt. Huiusce cœlestis liquoris meminit & ipse Ho- merus, apud quem Machaoni, Nestorique annoso, mel & cepa tanquam lautissimæ dapes usui fuerunt; in quo- rum schola Nestoris vxor enutrita, Patroclo cepam cum melle recenti aurea in lance apposuit. Hic etiam audi- re iuuat Posidonum referentem, Mysios religioni in- indulgentes ab animantibus abstinuisse, & eam ob cau- sam pecus omne vitasse; melle verò tantum, & lacte vi- tam sustentasse. Prædictis calculum suum adjicit Eu- stathius in Iliad. x. & frequentissimum veteribus fuisse mellis usum refert, Pythagoræque exemplum adducit,

G qui

qui solo melle , tanquam diùino pharmaco , contentus  
 diu vixit . Similia prodidit Aristoxenus philosophus &  
 musicus nobilissimus , qui Pythagoræ sectatores vt plu-  
 rimum melle vsos enarrat . Huc etiam traho illud Athe-  
 næi de Democrito , cui non modo mellis suffitus , ve-  
 rūm etiam ipsius vapor naribus admotus tām salutare  
 beneficium contulit , vt per multos annos sanus , &  
 incolumnis permanserit . vnde interrogatus quonam pa-  
 cto diu quis sanus esse posset , Si interna , inquit , melle  
 rigaris , oleo autem extima . Zenoni verò philosopho  
 non cupediarum nobiles illi artifices edulia parabant ,  
 sed modico pane , & melle mensam onerare studebant ,  
 vt in eius vita Laérтиus retulit . Sic etiam educati fuere  
 Antiochus medicus , & Romulus Pollio , qui scientiam  
 Apicianæ popinæ explodentes , melleis alimentis absquè  
 alijs ferculis in vltimā vsquè senectam vitam protraxe-  
 runt . Cæterum valeat apud nos Diophantis autoritas ,  
 qui de re rustica librum conscripsit , afferentis in longa  
 æui spatia vitam eos producere , qui continuo mellis  
 esu vterentur . Hanc verò vnicam ob causam Cyrnios  
 longæuos dici volunt , vt ex Athenæo obseruare li-  
 cet , quod assidua mellis esitatione delectati fuerint .  
 Potest ex præfatis hoc pretioso nectare hominis vita  
 absquè ullo alio cibo sustentari . Audi præterea si graue  
 non est ipsummet Hippocratem medicinæ parentem ,  
 de melle differentem . *Vinum & mel optima iudicata sunt  
 hominibus , si iuxta naturam & sanis , & debilibus cum temporis  
 oportunitate , ac mediocritate exhibeantur : tum alibi , mel  
 cum alijs quidem comedunt , & nutrit , & bonum ca-  
 lorem exhibet . Eadem Celsi mens fuit , atquè adeò non  
 paruum nutrimentum humanis corporibus à melle  
 conferri scripsit ; quæ ne temerè , & sine ratione dicta  
 videantur , age sis mellis proprietates expandamus .*

M E L.

## MELLIS VIRES ET PROPRIETATES.

**P**rincipio quidem mellita medicamenta, diuiniquè huius nectaris potionēs quantum in medicina va-  
leant ipsimē medicinæ parentes Hippocrates & Gale-  
nus abundè prodidere. Quæ Plinium etiam non latue-  
re. tradidit quippe mel conseruandi facultate pollere,  
vlera vetusta expurgare: quod & Porphyrius signifi-  
cauit. Apuleius autem Platonicus in libello, quem de  
viribus herbarum contexuit, mirificas mellis virtutes  
in varijs ægritudinibus, morborumquè curationibus re-  
fert, obseruatquè liquorem illum cum herbarum succis  
& mandragora mixtum saluberrimum esse. Porro in-  
ter præcipua remedia, quæ ebrijs medici olim adhibere  
solebant, panem melle oblitum Macrobius Satur. lib. I.  
cap. 7. recensuit. Mel quoquè desiccandi vim habet,  
firmatquè vulnera ut idem autor Sat. lib. 7. cap. 12. ob-  
seruauit, his verbis: *Nam quæ vdanda sunt corporis, vino fo-  
uentur, quæ siccanda sunt, melle deterguntur.* Cum potionēs  
amaræ præbendæ olim erant, poculi ora melle illine-  
bantur. possem infinita alia recensere, sed longioris id  
operæ, & aberramenti prolixioris foret. Addam tan-  
tummodo corpora humana, non solum dum viua sunt  
Apum muneribus recreari, & iuuari; sed postquam  
etiam anima destituta sunt, beneficio mellis seruari.  
Constat etenim defunctos in melle sitos, à fœtore &  
putredine defendi. Valet in primis apud nos Xenophon-  
tis Ελληνῶν lib. 5. autoritas, afferentis Agesipolin La-  
cedemonium graui morbo affectum, eoquè die septi-  
mo consumptum, in melle positum, & Lacedæmonem  
reuectum, regiaquè sepultura fuisse donatum. Statius  
in Siluis scribit Alexandri Magni cadauer melle litum,

putredini non fuisse obnoxium. Plinius etiam refert Hippocentaurum Claudio Cæsari ex Ægypto allatum in melle conditum fuisse, ex more rituquè illius gentis, qui mos Babylonijs, etiam & Assyrijs familiaris fuit. Quam consuetudinem non parum iuuant illa Varonis περὶ ταῦτα apud Nonium in nomine, Vulgus: *Quare inquit ille, Heraclides Ponticus plus sapit, qui præcepit ut comburerent, quam Democritus, qui ut in melle seruarent: quem si vulgus fecutus esset, peream si centum denarijs calicem mulsum emere possimus.*

Verum ne infipida quæ protulimus esse videantur, paucula tanquam bellaria apponam, quæ ad victus lautiā, epularumquè magnificentiam spectant. Frequentissimum apud veteres fuisse mellis usum in obsonijs, & condimentis vulgatae autorum paginæ abundē testantur. Apicius insignis ille Opsophagus ante omnes icipsum non paucis in locis significauit, quem vide, si animus est tibi ista pernoscere. Ad parandas certè in lautioribus conuiuijs delicias, bellaria mellita excoxitata, ac in secundis mensis apposita. Sic Varro apud Aul. Gellium lib. xi i i. cap. xi. bellaria secundæ mensæ mellita esse debere præcipit. Quo trahi possunt illa dulciarij pistoris apud Martialem verba.

*Mille tibi dulces operum manus ista figuras*

*Extruit, huic vni parca laborat Apis*

Placentæ etiam mellitæ audiè inter conuiuas expeditæ. vnde Horatius epist. i.

*Pane egeo, iam mellitis potiore placentis.*

Placentæ ut plurimum ex farina hordacea, caseo, & melle simul commixtis parabantur. Edulia autem illa, quæ in melle cocta sunt, maximè concoctionem in ventriculo iuuare docet Plinius lib. xx. cap. ix. Idemq; alibi refert semen tritum candidi papaueris cum melle

in

in secundis mensis apponi solitum . plura prætermitto , quam describo . Ad vinum melle temperatum venio , quod vini genus in lautioribus conuiuijs olim expetitum . vnde est illud notum Martialis in Xenijs .

*Attica nectareum turbatis mella falernum ,*

*Misceri docet hoc à Ganymede merum .*

Primus omnium mortalium Aristæus mella vino miscuit : miscendi autem rationem Plinius lib . xiv . cap . 90 . de re rust . & Columella edocent . Sed quoniam hæc potius gulæ irritamenta , quām res humano generi necessarias respicere videntur , ad alia luculenta Apum munera , quæ in vitæ humanæ subsidium munifice concessa sunt , pedem referre lubet .

Ceræ non infrequentiores quam mellis usus . hac Deorum , heroumquè imagines formabantur : exornabantur atria : hinc maiorum vultus ducti : accensi Deorum funales : Pictorum tabulæ inceratae : hinc obserata vulnera . vnde Valerij Flacci versus ,

*Vel pice , vel molli concludere vulnera cera :*  
Pugillares seu tabellæ ceratæ , in quibus stilo æneo , aut ferreo literas exarabant . Plautus Afinaria .

*Nec vlla sit cera , ubi facere possit literas .*  
Præter allata Apum munera Propolis potest adiungi , sed ne longior sim , ad Plinium lib . xi . cap . 7 . te remitto . qui recte dixit Apes hominis causa genitas esse , nam quicquid laboriosissima Apum familia operatur , in communem hominum utilitatem cedit . Ex dictis liquere satis puto , cur Dianæ seu Naturæ sacræ Apes . Istud tantum corollarij loco attexam , in sanctiore Eminentissimi Cardinalis Francisci Barberini Ceimeliarchio gemmam videri , in qua tres Apes cum aratro expressæ , quarum duæ iunctis sub iugum ceruicibus terram proscindunt ; altera verò coloni vice fungens stimulo comites excitat .

tat: Quo hieroglyphico tanquam muta quadam poësi animos segnes non solum ad labores incitare, verum etiam tacitis religionis Eleusinæ præceptis instituere prisci sine dubio voluerunt.

## R O S A E.

**R**osæ binæ hinc atquè hinc dispositæ, solertis ingenijs arbitrio Apibus intermixtae fuerunt, vt omnium florum fructuum quæ primitias designarent. flores certe fructus promittunt. rosæ præsertim, quas poëtæ indiscriminatim pro quibuslibet fere floribus ponunt. Horum vestigijs Diana opifex inhærens rosam illi tribuit, credo ad terræ fertilitatem designandam. Ac licet rosas tanquam sibi proprias Venus vendicet, non obstat tamen quin & has Cereri adiudicemus. Percelebris enim est illa vestis Cereris apud Apuleium ex varijs florum generibus contexta. Rosacea item illa corona, de quâ plenius supra differuimus. Quid si & hic rosarum ornatus memoriam raptus Proserpinæ inculcet? ferunt quippe eam Siculis in campis rosas legentem à Plutone raptam. Ut vt sit Diana rosis ornata certè inducitur, nempe quod earum calices nocturno tempore vt plurimum explicari soleant. In pompa vero Magnæ matris, rosæ ante Deæ simulacrum spargebantur. vt à Lucretio libro II. traditum obseruauimus.

*Aere atquè argento sternunt iter omne viarum,*

*Largifera stipe ditantes, pinguntque rosarum*

*Floribus, umbrantes matrem, comitumque cateruas.*

Pertinent igitur ad Cybelem & Lunam rosæ: nec immixtò, cum florum Reginæ sint, omnem vegetantem

na-

naturam quæ succum & alimentum è terra dicit, adumbrare credantur.

### F A S C I A E :

**I**Nferiora statuæ tribus reuincta sunt fascijs, non dubiè quin ex Ægyptiorum disciplina, prout ex priscis illorum monumentis ac etiam ex hieroglyphica Bembi tabula liquet: qui Isidem versicoloribus vittis toto corpore vinclam adumbrabant. his autem vittis Lunæ in elementorum coagmentatione varias operationes, & effectus mysticè designabant: vel certè, quæ Heliodori sententia est, varias Lunæ facies, & aspectus indicabant. Possis & circulos illos seu coronas, quibus Luna saepe cingitur, in fascijs intelligere. Aut forte per has innuere voluerunt, res quasquè è terra natas cursu temporis rursum in terram redire. Luna verò vt supra annotauimus, vitæ mortisquè dominium habere credebatur. Quod si velis has tænias ad Cererem referre non pugnabo, cum hæc omniparens, & commune rerum omnium sit sepulchrum. Ideoquè corpus eius fascijs obligatum fingi potuit, vt innueretur semina medio anni spatio sub terra veluti in vtero Cereris oculi, indequè per occultam vim reddi cum foenore.

Soli pedes lustrandi supersunt. Sunt autem ex marmore nigro inse contracti, & eo modo compositi, quo omnium ferme Deorum simulacra Ægyptios formasse refert Herodotus. Ocreati non sunt vt in alijs Dianæ statuis, sed nudi, impedimentisquè soluti, vt præcipue tanti numinis propensa voluntas, materniquè affectus erga mortales dignoscerentur.

Hæc fere dicenda habui de his symbolis, & hieroglyphicis: nec diutiùs in ijs immorabor. cùm liquido iam

iam constare credam hæc omnia ab Ephesiorum hierophantibus præsertim electa fuisse, vt latentes rerum naturalium causas, sub his quasi sub arcanis inuolucris obtegerent, honestoquè philosophiaæ obtentu velarent: quo facilius cæcutientibus imperiti vulgi oculis imponerent. Siue vt per hanc figurarum symbolorumquè varietatem, Dianam suam augustiorem redderent; sub cuius effigie Naturæ rerum omnium procreaticis numen, vt in limine operis ex Diuo Hieronymo attigimus, contineri volebant. Porro Naturam ipsam non modo Ephesij, verùm etiam pleraque aliae gentes tanquam Deam diuinis honoribus affecerunt. Et Macrobius refert Isim supremum Ægyptiorum numen, nihil aliud esse quam terram, naturam rerum. Epicurus verò mundi huius gubernatorem solam naturam statuebat. vt ex Minucio Felice in Oct. colligere est. *etiam* (inquit) Epicurus ille, qui Deos otiosos fingit, Naturam tamen superponit. Eadem quoq; mens fuit Senecæ lib. 4. de benef. qui Naturæ diuinitatem tribuit his verbis. *Natura hoc mihi prestat; non intelligis te, cum hoc dicis, mutare nomen Deo?* Quid enim aliud est Natura, quam Deus, & diuina ratio toti mundo, & partibus eius inserta? Huc trahi posset Lactantij auctoritas, Naturam pro Deo primitus habitam declarantis. consule eum si lubet, aut si plura Natura encomia desideras, hymnos qui sub Orphei nomine circumferuntur adi. Cæterum tanta fuit Diana Ephesia. gloria, tanta religio, vt non à finitimiis tantummodi, verum etiam à remotissimiis populis eius effigies peculiari studio coleretur. ita refert Strabo, qui & in extremitate Ferrarij Hispaniæ promontorii fanum Diana Epesia fuisse prodidit. Pausanias autem multis in locis cultam eam fuisse obseruauit. scribit enim de Corintho: *In foro ubi plurima sunt templa, Diana est Ephesia cognomento.*

Eo-

Eodem quoquè teste in porticu Megalopolitana signū Dianaë Ephesiæ positum fuit . In Arcadicis Templum Dianaë Ephesiæ apud Eleam Arcadiæ oppidum extare retulit . Massiliæ quoq; Iustinus hanc Deam adoratam fuisse memoriæ prodidit . Demum non paucæ eius marmoreæ statuæ quæ hodie Romæ visuntur satis superquè indicant, hanc peculiari cultu Romanos fuisse prosequitos . Verum absolutis tandem celeberrimi huiusce simulacri symbolis & partibus , operæ pretium facturum me puto si pauca de templo, vbi signum illud asseruatur, retulero .

## TEMPLVM DIANÆ EPHESIÆ .

**E** Phesus, ut vult Stephanus, Ioniæ est vrbs clarissima : Lydiæ , ut Herodotus . Asiæ certe lumen Plinio dicta est . In ea Diana templum nobilissimum, quod cœteris pulchritudine, & varietate marmororum , columnarum numero, ac ipsius etiam structuræ concinnitate, nec non & copiosa supellecstile prælatum fuit, atquè inter orbis miracula annumeratum . Placet igitur eius quantulamcumquè adumbrationem ex Plinio lib. 36. cap. 19. exhibere . *Magnificentia* ( inquit ) vera admiratio extat templum Diane Ephesiæ ducentis , vel ut alij volunt , quadringentis viginti annis factum à tota Asia . in solo id palustri fecere , ne terræ motus sentiret , aut hiatus timeret . Rursum ne in lubrico atquè instabili fundamenta tantæ molis locarentur , calcatis ea substrauere carbonibus , dein velleribus lanæ . Vniuerso templo est longitudo quadringentorum viginti quinque pedum , latitudo , ducentorum viginti . Columnæ centum viginti septem à singulis Regibus factæ ; sexaginta pedum altitudine , ex ijs triginta sex celata . Quales fuerint træbes ex Vitruvio supra in-

dicauimus. Valuæ autem ex cupresso compactæ, quæ & ad quatuor vsque ætates intactæ permanserunt, vt Theophrastus hist. plant. lib. v. annotauit. Cœterum tanta fuit templi maiestas, vt ansam Plinio dederit asserendi, *Cœtera eius operis ornamenta, plurium librorum instar obtinere.* De primis eius auctoribus inter se non conueniunt scriptores. Liuius à ciuitatibus totius Asie factum ex vulgari fama refert. Alij maluere ab Amazonibus extractum: quo faciunt versus illi Nonni in Dionys. quos in limine sermonis adduximus. Pindarus apud Pausaniam in Achaicis idem fatetur, atque adeò eleganti carmine Amazonibus bellum Theseo inferentibus hoc opus assignat. Id etiam Hyginus insinuat, & addit insuper, ab Otrita Amazone Martis coniuge dedicatum. In ea quoquè mente Pimandri interpres, Pomponius Mela, & Solinus lib. i. c. 41. quibus tam en neutiquā consentit Pausanias in Achaicis: sed Eresum hominem indigenam, Ephesumquè Caystri fluminis filium tantæ molis auctores facit. quin & ab Ephe- so vrbem denominatam asserit. Quocumquè auctore excitatum fuerit, tantæ fuit magnificentia apud priscos, vt inter septem orbis miracula adnumeratum, non ultimum locum habuerit. Antipater illud spectaculis omnibus anteponere non dubitauit. Eadem fiducia Hyginus primum illi locum inter orbis miracula tribuit. Non me tamen fugit alios esse qui secundum illi locum assignent. Callimachus poëta illustris in hymno Dianæ, nihil præcellentius & admirabilius à Sole oriente conspici dixit. Sed omnium elegantissime hu- ius Templi augustam magnitudinem depingit Philo By- zantius antiquissimus scriptor libello de vii. orbis mi- raculis, cuius locum harum elegantiarum studiosi una mecum debebunt V. Cl. Lucæ Holstenio, qui cum li- bel-

bellum iamdudum eum alijs editioni paratum seruat: vnde hæc interim amicissimi viri beneficio cum eiusdem versione Latina profero.

Θέαμα 5'. ο ἐν Εὐφέσῳ ναὸς τὸ Αἴγιλέμιδος.

Οὐ τὸ Αἴγιλέμιδος ναὸς ἐν Εὐφέσῳ μόνος ἔστι θεᾶν οἶκος. πανθῆσεν γὰρ οὐδὲ θεαὶ αὐτοῖς τὸ Κύπελλον αἰχθαῖ, καὶ Τὸν εὐρητὸν τὸν αἰθανατίας καὶ θανάτου δῆλον γῆς αἰποχθεῖσθαι. Γίγαντες γὰρ οὐδὲ Αἰλωέως πάρθων οἱ τέλοι εἰς ψευστὸν αἰνάβασιν εἰσιστοῦσι, ὅρεσι χωννυδοῦτες τὸν ναὸν, ἀλλ' Ολυμπον. ὥσε τὸ μὴ διπλῶν Τολμησάτερον εἶναι τὸ πόνον, τὸ πόνον δὲ τὴν τέχνην. Τὸ γὰρ ἔδαφος τὸν πακετικόν γῆς λύχας οὐ Τεχνίτης, καὶ τὸ βαθὺ τὸν οὐρανούταν καταβιβάζεις, εἰς ἀπόφεον εἰσάλετε τὴν κατώνυμα Θεμύίωσιν, οὐρανὸν λατομίας δαστανίζεις τὸν γῆν καλυπτόμενα τὸν ἔργων. Εὐείχας δὲ τὸν αἰσφάλειαν αἰσφάλειαν, καὶ περιποθεῖς τὸν Αἴτλαντα τοῖς Βαρεσοῖς τὸν μηλόντων επαπερείμενος, φρῶτον μὴν ἔχαθεν εἰσάλετε κηρυσία δικασθμού διεβάζοντον περὶ βάσιν μετεωροφαρές, καὶ πάλιν.... λείψας.

## V I. M I R A C V L V M Templum Dianæ Ephesiax.

Diane Ephesia templum unicum est Deorum domicilium. quisquis enim spectauerit, crebet permutatis inuicem locis mundum cælestem immortalium deorum in terras demigrasse. nam Gigantes vel Aloïda cœlum conscendere aggressi agrestis montibus non templum, sed Olympum struxere: ita ut labor incepsum, ars labore audacia supereret. Artifex enim dimoto solo quod suberat, actisque in immensam profunditatem fossis fundamenta altioribus cuniculis iecit: ita ut montium lapicidinas operibus subterraneis exhauriaret. Sed strato inconcussæ soliditatis firmamento, & presupposito Atlante ad superincubituri operis pondera sustinenda, principio quidem crepidinem decem graduum extrinsecus posuit, que basis eleuationis vice fungeretur.

Reliqua deinde huius capitinis perierunt, magno sane  
damno . haberemus enim exactam totius structuræ de-  
scriptionem , qualem in cæteris expressit scriptor anti-  
quissimus, qui ipsum templum haud dubie viderat ante  
conflagrationem . Sed quod in Philone temporum  
iniuria nobis negauit aliunde resarcire conabor. Eapro-  
pter ipsius Templi formam studiosorum oculis exhibe-  
re decreui, duplicis nummi beneficio : quorum unus  
ex metallo pulcherrimo & forma grandiuscula in Mu-  
sæo Eminentissimi Cardinalis Francisci Barberini asser-  
uatur ; alter verò ex schedis Io. Iac. Chifletij Patritij Bi-  
funtini depromptus est .



Primus ut vides, templum octo columnis instructum  
cum Diana Ephesiæ icuncula repræsentat . In huius  
priori parte Hadriani vultus est cum hac inscriptione :  
AYT. KAIC. AΔPIANOC CEB. Hoc idem numisma  
a Ioanne Sambuco mutilum prolatum est . Alter au-  
tem nummus appictus templi etiam Ephesini schema,  
ut literæ circum orbem indicant, ostendit . Quem eð-  
lubentius hic adieci quod ambitus exterior templi di-  
spositas circumcirca columnas ostentet, & crepidinem  
εκαθαμον̄ oculis spectandam exhibeat , cuius Philo-  
By-

Byzantius meminit . Ipsius autem templi exædifica-  
tio Ionica est ; id quod præter vulgata numismata Vi-  
trruuius etiam confirmat his verbis . Primumquæ *edes*  
*Ephesi Diane* Ionico genere ab *Ctesiphonte Gnossio* , & filio  
eius *Metagene* est instituta : quam postea *Demetrius* ipsius Dia-  
ne seruus , & *Poenius Ephesius* dicuntur perfecisse . Strabo  
prioris templi architectum *Chersiphrona* , ( fortè pro  
*Ctesiphonte* ,) statuit . Cheremocratem verò post Hero-  
strati incendium restituisse pronunciant . Constat au-  
tem septies idem fuisse restauratum ; idquæ in primis affir-  
mat Plinius . Si tantus fuit in substructione splendor ,  
non minor fuit donariorum opulentia . quorum tanta  
fuit copia , vt nullum aliud siue diuitijs , siue oblationi-  
bus cum eo conferri posset . Adde quod ibidem tan-  
quam in ærario tutissimo ditissimi quique thesauros re-  
ponebant . sic Dion orat . xxxi i . *Nostis haud dubiè Ephesios* ,  
*apud quos multæ pecuniae priuatorum reconditæ in Diane templo*  
*non solum Ephesiorum sed & hospitum , & hominum undequa-*  
*quæ venientium , partim & populorum , & Regum . deponunt au-*  
*tem omnes securitatis gratia ; nemine unquam aiso loco inferre*  
*iniuriam , tametsi plurima bella gesta sint , ciuitasque sepius fue-*  
*rit capta . Ex quibus lucem accipient verba Laertij in*  
*Xenophonte . profectus , inquit , deinde Ephesum , dimidium*  
*auri quod secum tulerat , Megabyzo Diane Sacerdoti seruandum*  
*tradidit , quoad reuerteretur . Quantà autem in veneratione*  
*olim fuerit hoc fanum vel hinc argui potest , quod huic*  
*vni post omnia templa Asiatica exusta Xerxes Rex Per-*  
*farum pepercereit : quamuis immensis opibus affluere*  
*sciret . Cæterùm quidam Herostratus , vel vt alijs pla-*  
*cet Heroastus , vt nominis immortalitatem consequere-*  
*tur eodem die , quo Magnus Alexander natus , flam-*  
*mis templū illud vastauit . Cuius incendij meminere Gel-*  
*lius lib . 2 . cap . 6 . Valerius Maximus lib . 8 . cap . 15 . &*

ple-

plerique alij . oblitaro autem nomine incendiarij .  
 ab vniuerso Asia conuentu restitutum est . Ac deinceps .  
 vt Iulius Capitolinus scribit , vsquè ad Gallieni Imp .  
 tempora integrum remansit , sub cuius imperio Gothis  
 Asiam inuadentibus templum ipsum penitus spolia-  
 tum , & incensum est . Sed ante ultimum hoc incen-  
 dium Nero Ephesinæ gazæ inhians Xerxis barbariem  
 rabiemque longè superauit . Omnia quippe pretiosa-  
 dona , immensam auri argentique vim , & simulacra in-  
 de , nec non ex omnibus Achaicis templis abstulit , vt  
 Tacitus lib . xv . testatus est . Huic demum templo haud  
 paruam celebritatem asyli prærogatiua conciliauit . Id  
 enim iuris habuit , vt qui ad illud configissent , siue  
 ære alieno obstricti forent , eo soluerentur : siue tene-  
 rentur seruitute , liberi fierent . Idquè non soli templo  
 concessum : sed Alexander etiam ad stadium usque pri-  
 uilegium extendit . Mithridates autem paululum plus  
 spatij addidit . Marcus Antonius maiorem etiam vrbis  
 partem comprehendi voluit . Sed postea Augustus vt  
 flagitiosis impunitatis spes nulla esset , sustulit . Ephesij  
 religionis veræ ignari superstitionis scientissimi omne  
 suum incrementum Diana numini ac eius templo ac-  
 ceptum ferebant . At absurdissimis Ephesinæ Theolo-  
 giae dogmatibus explosis , falsoquè numine repudiato  
 iure maiori gloriari possunt Ephesij , quod Diui Pauli  
 Apostoli trium annorum spatio auditores , miraculo-  
 rumque quæ ibi operatus est , testes oculati esse merue-  
 rint . quod ipsorum Vrbs non ementiti numinis sed  
 diuini præconis præsentia illustrata fuerit : qui non in-  
 uolucris & ambagibus supremi Dei cultum , vt illi por-  
 tentosi hierophantæ inuoluebat : sed solida , & aperta  
 veræ sapientiæ documenta apertè diffundebat . Cuius  
 beneficio Vrbs ipsa non iam omnigenum animalium se-

ptum

65

ptum & stabulum, sed diuini eloquij facta fuit sacrarium.  
eius inquam eloquij & sapientie, quæ non ex superstitione  
Aegyptiorum doctrina, sed ex lmp. d's & salutaribus  
veri Dei fontibus fluxerat: quæ non illuc omnium ani-  
mantum nutricem; sed omnium parentem & conserua-  
torem verum doceret. Nec minus ad Ephesiorum Iudem  
facit, quod Ioannis Apostoli monitis, & cathedra insignes  
Metropolisque honore decorati fuerint. quod in ea ter-  
tia Synodus oecumenica habitæ Nestorium Verbi incarna-  
ti, & B. Mariæ Dei genitricis hostem damnarit, quod  
denique ipsa Genitrix Dei Maria Vrbem illam sua præsen-  
tia cohonestarit. Procul igitur, procul Mezabolici & eui-  
rati ministri, siquidem puri & integri veræ fidei my-  
stæ Deo vero ibidem seruierunt. Huic  
honor sit, & laus, & glo-  
ria in sæcu-  
la.

F I N I S.

## LECTOR.

**N**E quid eorum, qua ad religionem Ephesiae Diana visa sunt pertinere, periret, Signa etiam atque Numismata, quæ ipsius Diana Insignia non inepte quis dixerit, excuditenda curauimus. Tria Signa prima marmorea in ædibus Farnesiorum seruantur: quartum marmoreum apud Serenissimum Leopoldum Etruria Principem: alia duo marmorea apud Leonardum Augustinum Senensem: reliqua in gemmis Camilli Maximi Iunioris, atque Leonardi Augustini: quæ sequuntur Numismata ex Ceimeliothece Barberina: promuntur.

65





66



*In aeclibus farnesianis*






Præcedentis Statuæ Far. encarpus

argentea et amethystinae

69

*Præcedens Statuæ Far. Latus dextrum et sinistrum*



10  
Bibliotheque Nationale de France. V. 19. 1. 1. 1. 1. 1.









Apud leonar. Augustinum





Anton Leonar Augsbur

57





*Apud Camil, de Maximus in gemma*





A C T

*Apud. Leonar. Augustinum, in geminā.*



TABVLA I.

75



(AE)



(AR)



(AR)



(AR)



(AR)



(AR)



LIBRARY



T A B V L A II

76



{ AR }



{ AR }



{ AE }



L·PAPI



ΝΕΟΠΟΛΙΤΗΣ



ΕΦ  
ΣΚΩΠΙ



{ PL }



{ AR }



{ AE }



PIAVAT



TABVLA III

I



{AR}

II



{AR}

III



{AR}



ΛΥΞΑΙΜΑΧΕΩΝ



ΦΙΛΕΤΑΙΡ ΟΥ



ΔΗΜΟΣ ΝΔΡΚΑΔΙΩΝ

IV



{AR}

V



ΑΛΚΑΙΟΝ

VI



{AR}



ΒΡΕΤΙΩΝ



ΔΥΡ ΣΤΙΑ ΤΙ ΖΟΝ



Μ ΑΡΜΟΝΙΟΥ

И А Л Е І Т



TABVLA V

79



{ AE }



{ AR }



{ AR }



ΜΚ



ΕΥΚΡΙΤΟΥ



{ AE }



{ AR }



{ AR }



ΑΠΟΤΑ



ΝΙΚΟΛΟΧΟΥ

13

LIBRARY

III



(CAR)

II



(CAR)

I



(CAR)

TELETHON



IV



MATTA  
TALA  
TALA  
TALA



(CAR)

(CAR)



OCTA  
T



(CAR)

LITERATURE



OTTA  
T



AMAZONI

GEMMAE ANTIQVAE

ANVLVS AVREVS



FIBVLA AEREA ANTIQVA




GE<sup>M</sup>MAE ANTIQ<sup>AE</sup>

ARCA AVRA



ARCA AVRA AVRA





apud Io: Petrum Bellorium



